

Juni 5, 2020

www.awemainta.com

www.facebook.com/awemainta


noticia@awemainta.com

583-1400




AWE Mainta

AYERA TABATA DIA DI ACCIDENTE CU MOTOCYCLE



LOKE a hala atencion ayera di e accidentenan cu a tuma lugar, cu mayoria tabata cu bromer. Asina nos a haya un accidente pisa na Paradera pa despues uno na Caya Betico Croes. Por a nota cu despues di eliminacion di Shelter in Place y Toke di Keda, ta masha accidente a bin ta tuma lugar.



Tired of Manually Processing Forms?

SCANSYS
vision on imaging

- Digital Processing of Purchase Invoices and more
- Seamless Integration with most Financial Software
- Complete Control of Authorizations via Workflows

This OCR software scans every field on any kind of document and automatically fills the data in your preferred financial/ERP software!

VCC
International NV

TEI. 583-7072 | info@vcc-int.com | www.vcc-int.com

SMOA ta contesta na Juf. Lardy, vocero di tur docente na Colegio Arubano



COMO Bestuur, SMOA a tuma nota den prensa di e accion di algun docente di nan skol Colegio Arubano.

Jufrouw Lardy tin tur derecho pa cuestiona y pa haci pregunta over di e maneho di e Bestuur. Pero ta difícil pa duna cuenta bayendo prensa y vocifera nan preocupacion sin sinta prome na mesa.

Nos di Directiva di SMOA a purba diferente biaha pa sinta na mesa cu representante di ALV, pa atende tur nan preocupacion. Pero nan ta rechasa nan intentonan, segun SMOA.

Nan pregunta over di e maneho financiero, cu gusto nos lo sinta na mesa y contesta tur pregunta.

For di aki Bestuur ta suplica e representante di ALV, jufrouw Lardy pa por fabor, pasa serca nan otro siman diarason dia 10 juni pa 10:00 di mainta na oficina di nos Rector p'asina nan sinta hunto na mesa. Si e fecha

of horario no ta cumbini jufrouw Lardy, por fabor laga nos sa, y nos lo cambie.

Tambe SMOA ta pidi jufrouw Lardy pa por fabor bin cu TUR nan pregunta y preocupacion di miembrongan di ALV, p'asina duna Bestuur y ALV un oportunidad pa splica su mes.

No ta husto pa acusa un partido publicamente den medionan di prensa, sin duna nan chens prome pa contesta preguntanan.

SMOA su Directiva ta sigur cu nan lo yega na un solucion, pasobra ALV y Bestuur tin e mesun meta. Esey ta nos STUDIANTENAN na Colegio Arubano.

“Ban demostra nos pueblo y especialmente nos studiantenan cu nos di Colegio Arubano ta profesional. Aunke nos tin diferencia di opinion, nos por dialoga y yega na un solucion”, Bestuur SMOA a conclui.

Presonan ta rabia y ta menasa pa sende KIA na candela

Nan no ta di acuerdo cu e normal nobo pa cu KIA



TIN un tension halto den nos Korrectie Instituut Aruba (KIA) debi na cambionan di cantidad di bishitante y cambionan cu lo presenta ora frontera habri bek.

Durante un reunion recientemente cu e Directeur, Onder Directeur y Comision di Preso (GEDECO) a bin varios punto dilanti, y esakinan por bisa lo tin di haber cu e “normal nobo”.

Manera cu varios biaha mandatarionan a enfatisa, loke tabata normal lo no bay existi mas, pues den KIA tambe lo bay mira cambionan.

Pero, ora cu esaki a yega na conocimento di e presonan, esaki no a cay nada bon, y principalmente pa motibo cu nan tin hopi tempo sin wak nan famianan.

E problemanan lo cuminsa momento cu frontera habri bek. Loke a indigna y/of a haci e presonan furioso ta mas tanto tocante e cantidad di bishitantenan cu lo por presentan na KIA.

Segun a wordo treći dilanti, cambionan lo encera ora di ricibi bishita, solamente dos adulto of un adulto y dos mucha mag ta presente. Pues e limitacion aki ta inaceptabel p'e presonan. O sea si e preso tin 3 yiu, solamente 2 por drenta hunto cu 1 adulto.

Si mas persona kier bishita e preso, esaki lo no ta posibel mas. Den KIA tin algun preso cu ta haya hopi bishitante, pero manera cos ta pintando esaki lo wordo elimina.

Tambe loke KIA lo bay haci ta unabes frontera habri e instituto lo lockdown. Asina limitando e contacto fisico cu sea familia/amistad por completo.

Dia di bishita e preso lo wordo treći abou y su unico contacto lo bira via video chat (p.e. Skype). Esaki tin presonan masha hostina mes.

Comprendibel t'e hecho cu presonan lo ta haya hopi falta di nan familia. Sosten di familia y amistad ta importante p'e salud mental y rehabilitacion di preso.

E presonan ta basta disgusta y ta duna di conoce cu si no bin cu un otro alternativa cu nan lo por “biba” cune, lo por spera actonan di protesta den e instituto.

Ya caba a wordo papia cu KIA lo keda ‘preto preto’, bayendo den direccion cu candela lo wordo cendi den e compleho, locual a yega di pasa caba. Tambe nan a dirigi menasan hopi serio na direccion di e Director y su personal.

Despues di hopi aña:

Prensa na mesa cu Polis

Trahando fundeshi pa un relacion nobo y duradero

DIAHUEBS mainta un delegacion di Asociacion Arubano di Prensa (ASAP), a sinta na mesa cu un delegacion di Cuerpo Policial Aruba, encabesa pa Alto Comisario interino Vanessa Kock. Un reunion cu tabatin como meta pa crea un mihor forma di traha entre e dos entidadnan aki.

Presidente di ASAP, Miriam “Mimi” Koolman-Rosel a expresa su satisfaccion cu resultado di e reunion aki cu na final ta sirbi e meta comun cu ambos grupo tin, esta Aruba.

A delibera riba varios punto pa yega na un mihor relacion di trabou, tanto di e Polis como e miembro di Prensa.

E intencion ta pa yega na un convenio den cual ta stipula e puntonan di respet pa ambos banda y cu, segun Mimi Koolman, lo beneficia e miembranan di ASAP y Prensa en general.

Ta tuma Hulanda como ehempel den esaki, den cual e Cuerpo di Polis Hulandes a yega na acuerdo cu NVJ, e Asociacion di Prensa di Hulanda, pa otorgamento di carnetnan pa Prensa, accredita dor di Polis.

Ey ambos organisacion ta acorda adelanta, kico t'e reglanan di wega, den cual ambos tin cu tene nan mes na dje, p'esun no stroba trabou di e otro.

Esaki sin duda lo evita mal comprehendemento na sitionan di suceso.

Den pasado tabatin un convenio asina entre Polis y Prensa, pero cu añanan, cu entrada di generacion nobo den Polis y den Prensa, a causa cu poco-poco a lubida e convenio. Di otro banda, temponan a cambia y awor ta cla pa cera un acuerdo nobo n'e circunstancianan di awendia.

Alto Comisario interino Vanessa Tjon-Kock di su banda a elogia e reunion y cu el a haya e encuentro un bon oportunidad pa yega na acuerdo cu e Asociacion Arubiano di Prensa.

“Nan a bin cu diferente proposicion y ta yega momento cu cada un mester respeta trabou di otro. Esaki ta algo cu nos a purba palabra, pero lo tin mas reunion pa sigui riba e tema aki,” el a bisa.

Pronto lo reuni un biaha mas pa sigi traha riba e concepto di e convenio.



TOCANTE ASAP

Riba diasabra 11 di april 2020 un grupo a reuni cu e proposito pa funda y organisa un Asociacion (vereniging), considerando cu pa hopi aña caba no tin un organisacion activo pa atende cu e derechonan di periodistan y desaroyo di periodismo en general na Aruba.


Tambe cu tin necesidad awor pa trahadornan den medionan di comunicacion tin un asociacion profesional pa regula y maneha nan mesun forma di funciona teniendo na cuenta e responsabilidad di tur sector den e comunitad di Aruba y saliendo for di e principio di respet mucho y cu comunidad ta depende mas y mas di medionan di comunicacion pa ta bon informa.

Ta cu e realidad aki a dicidi pa funda un asociacion (vereniging) nobo, cu e nomber di Asociacion Arubiano di Prensa (ASAP) pa por representa tur persona cu ta traha incansablemente den medionan di comunicacion y cu tin como tarea pa informa nos comunidad.

E prome directiva tin 7 miembro y nan ta: Miriam “Mimi” Koolman-Rosel (Presidente), Raymond Hoek (Vice-Presidente), Nilton Lacle (Tesorero); Mark Benson Denz (Secretario), Marko Espinoza (Secretario Internacional), Maritza Faro (Comisario di Miembresia) y Edmond Croes (Comisario).

Ta den contacto estrecho cu otro organizacionnan den Reino Hulandes y internacionalmente pa por promove mas sinergia y aliansa cu e asociacion Arubiano. E aliansasan aki lo mester conduci den mas cooperacion, mihor preparacion y educacion di esnan cu tin como trabou di tur dia, pa informa nos pais.

Motociclista a keda benta riba caminda despues di accidenta contra un Yaris



DIAHUEBS mainta den careda di 11'or Polis a bay pa un accidente serio riba e caminda di Caya G.F.Betico Croes, unda lo tin un motociclista benta riba caminda.

Na yegada Polis a topa cu un motociclista riba su barica drumi, y kehando di bastante dolor den pecho.

Banda pazuid por a mira un Toyota Yaris cu lo a bay pa drenta un parkeer plaats.

E bromer a keda benta banda di e motociclista y por a mira cu e spel de bromer tabata kibra.

Con exactamente e accidente a sosode no mucho cla.

Caminda e wordo cera den ambos banda, mirando cu e bromer y e motociclista tabata riba caminda benta.

Ambulance a yega y mesora Paramediconan a baha y cuminsa comunica cu e homber herida.

Despues di algun rato nan a logra bire boca'riba, y poco poco a kita e helm. A pone riba brancard y a sali cune direccion Hospital.



De Stichting Monumentenfonds Aruba is voornemens in het openbaar aan te besteden het project:

Restauratie van Steenweg 19 – Botica Aruba

Korte Omschrijving van het werk:

Het project bestaat uit het casco restaureren gedeeltelijk terug bouwen van de buitengevel van hetbestaande (Monument) pand gelegen aan de Steenweg 19 ook bekend als “Botica Aruba”.

Het gebouw bestaat uit 2 bouwlagen, met een uitbreiding die gesloopt moet worden en verbouwingen die hersteld moeten worden alsook het wederom bouwen van delen van de achtergevel.

Het bestek is vanaf **maandag 8 juni 2020digitaal** verkrijgbaar na betaling van **Afl. 250.00** op het kantoor van Archiosa N.V. De betaling te voldoen alleen in **cash** bij Archiosa N.V. **Na betaling zal het bestek digitaal verzonden worden.** Verwachte uitvoeringstermijn: **100 werkbare werkdagen** na datum van aanvang.

De inlichting vergadering vindt plaats op **donderdag 11 juni 2020, 9:00 a.m.** op het kantoor van Stichting Monumentenfonds Aruba. Na de vergadering zal een aanwijzing bij het pand plaats vinden.

De openbare aanbesteding vindt plaats op **maandag 13 juli 2020 om 10:00 uur a.m.** op het kantoor van Stichting Monumentenfonds Aruba (SMFA).

De inschrijver moet bij zijn inschrijving onder andere de volgende vereisten overleggen:

1. Originele Bereidheidverklaring van een lokale erkende bank tot het instellen van een bankgarantie t.w.v. 5% van de inschrijfsom;
2. Alle overige vermelde vereisten genoemd in het bestek.

De aannemer wordt **beoordeeld en geselecteerd** conform de meest economisch voordeeligste aanbieding. Beoordelingscriteria zijn als volgt:

1. Inschrijfsom;
2. Ervaring van de aannemer op restauratie projecten;
3. Bouwtijd planning.

De UAR-1986 is op deze aanbesteding van toepassing.
De gestanddoeningstermijn is 90 dagen.

Casonan interesante cu Corte di Promes Instancia tin pa trata awe



Horario	Sospechoso	Acto Castigabel
08.15	M.J.A.C.	Uitspraak
08.30	M.C.S.	S. ta wordo acusa di abuso sexual di un menor, di violacion y di posesion di pornografia di mucha riba 29 y 30 di mei 2019.
10.00	S.C.J.M.	M. ta wordo acusa di intento di asesinato riba 4 di juli 209.
10.30	S.R.W. J.A.D.	W. ta wordo acusa di posesion di un arma di candela na maart 2020. D. ta wordo acusa di kiebro y ladronicia den un cas riba 7 di noviembre 2019 y di heling na luna di noviembre 2019.
11.30	N.D.P.	P. ta wordo acusa di kiebro y ladronicia den un cas riba 23 di juli 2019. E ta wordo acusa di ladronicia y violacion di ley di droga riba 13 di juli 2019. Tambe e ta wordo acusa di venta di marihuana riba 19 di noviembre 2019.
14.00	J.N.R.V. P.J.C.	Pro forma. V. y C. ta wordo acusa di, conhumente cu un otro of otronan, posesion di marihuana y cocaine di aña 2012 te 11 di februari 2020.
14.00	R.J.L.G. W.P.S.	Pro forma. L.G. y P.S. ta wordo acusa di traficacion di hende desde Venezuela riba 14 di februari 2010.
14.00	B.M.A.	Pro forma. A. ta wordo acusa di importacion di marihuana y pildoran di MDMA (xtc) riba 15 di februari 2020.
14.00	A.T.	Pro forma. T. ta wordo acusa di exportacion di heroine riba 8 di februari 2020.



Basha cura di cas di un Polis Tabata un accidente of ta intencional

Esey ta ser investiga awor



DIAHUEBS mainta a tuma lugar un incidente un poco straño na Mabon unda cu un pick-up a dal den un cura di cas, bashando e cura abou. Loke cu a hala atencion cu ta trata aki di cas di un Polis.

Diferente unidad policial a yega n'e sitio, despues cu a bati alarma, pa motibo cu e dos personanan den e pick-up a huy for di e sitio.

Sinembargo e hecho cu e dos personanan den e auto a huy for di e sitio na pia, a manda diferente unidad, tanto di San Nicolas como Playa, pero tambe por a mira funcionarionan di Departamento di Recherche, pero tambe ambulance, maske cu no tabatin heridos.

Hopi liher, a logra detene e dos hombernan aki, un banda di Centro di Bario Brazil y e otro den Caya Mangasina. A transporta ambos pa Warda di Polis San Nicolas. Awor ta bay investiga si ta trata di un accidente of algo intencional, mirando cu ta trata aki di cas di un funcionario policial.

N'e sitio a pone lint y tabatin dos ambulance tambe, pero no tabatin herido, manera menciona.



Awo cu 2 florin mas, bo por gana e **MEGA PLUS**

* Afl.

480.000,-

* Afl. 380.000,- + Afl. 100.000,- extra

Benta ta sera 6:30 pm y sorteo ta 6:45 pm



Di acuerdo cu Melvin Tromp (AVP)

Prome Minister ta habri man pa 100 trahador di Corson bin traha den WEB

Na Aruba tin cantidad cu por haci mesun trabou aki

Melvin Tromp, miembro di partido AVP a mustra diamars ultimo cu a base di informacionnan clave, tin indicacion c'un compania establece na Corsou, lo a haya permiso pa bin traha den e planta di awa y electrividat di Aruba, esta WEB Aruba NV.

Segun sr. Melvin Tromp tur cos a mustra cu Prome Minister Evelyn Wever Croes a dicidi di habri man y permiti cu e compania aki na Corsou, trece 100 trahador di e isla aki pa bin haci trabounan den WEB, mientras cu tin cantidad di trahador di Aruba mes, cu por haci e trabounan aki.

“Aki un biaha mas nos por mira cu Gabinete Wever Croes simplemente nunca por a presenta un vision caminda interes di nos hendenan aki na Aruba ta na prome lugar.

Den un periodo di crisis caminda e propio Prome Minister di Aruba praticamente tur dia tabata bay television y insisti na pueblo cu e situacion di Covid-19 a hinca nos pais y trahadornan den un situacion delicado, ta bira haci net lo contratio di e interes di nos propio hendenan. Ta lanta e pregunta na Prome Minister Evelyn: ‘Kico ta conduci cu nos yiunan di tera como tecnico no por wordo reculta of bin na remarca pa haci e trabounan aki?’

No solamente e parti ey so, pero tin otro aspectonan cu ta hunga un rol grandi den e asunto aki y cu Prome Minister Wever Croes, kende t'e Minister responsabel pa WEB, tin cu tuma na consideracion y na cuenta na momento cu presente e situacionnan aki. Covid-19 ainda ta activo na Corsou cu casonan adicional y no lubida cu Prome Minister di Corsou a bisa cu frontera lo keda cera pa Aruba, pues ningun buelo lo por sali di Aruba pa Corsou. Informacionnan fededigno ta mustra cu ya caba tin tres container cu ekipo di trabou a yega for di Corsou y lo ta staciona caba na WEB Aruba NV di e compania di e isla ey.

Mientras cu ta pidi ayudo financiero for di Hulanda pa yuda mas cu 30 mil trahador cu lo a keda sin salario den e crisis grandi aki, por mira cu Gobierno ta sinta permiti e tipo di cosnan aki, caminda nos propio trahadornan tin mester di trabou, pero tin cu para mira otronan yega for di otro isla pa haci algo cu nan mes por a haci y yuda nan famia.

Nos ta puntra Prome Minister ta na unda e proteccion di nos clase trahador a keda cerca su Gobierno? Na unda participacion husto di nos contratistanan di Aruba a keda? Ta bin acerca cu mirando e crisis grandi cu nos isla ta pasando aden, henter e asunto di 80-20 no por ta aplicabel



den e situacionnan aki, ya cu seguridad di trabou di nos hendenan ta bin na prome lugar y riba tur interes di otronan.

Den e proceso pa lanta nos economia bek, ta necesario pa evita cu e tipo di cosnan aki ta pasa y nos propio hendenan ta sali perhudica, ora cu Gobierno ta tolera e tipo di cosnan aki.

Aki no ta trata di unda e compania aki ta bin, pero Aruba tin trahadornan tecnico sumamente capas pa ehecuta e tipo di labornan aki y nos hendenan den e tempo di crisis aki tin cu bin na prome lugar.

Prome Minister kier hunga rol di bon Mama pa otro y mal madrasta pa nos propio yiunan di tera y aki tin cu mustra cu e situacion ta malo, pero Gobierno ta lubida riba e situacion economico dificil di su propio hendenan y di e pais.

Nos kier mira e situacion aki wordo atendi den un forma rapido, pa motibo cu esaki no por wordo acepta sin mas, muy en particular si nos mira cuanto hende a perde nan trabou recientemente den e refineria y otro companianan local den e mundo di contratistanan tecnico,” Melvin Tromp di AVP a declara.

Varios patruya a bay Barcadera pa homber cu a maltrata varios miembro di famia



PARTICIPACION IMPORTANTE

En conexion cu e situation actual di e Virus Covid-19
nos di AWEMainta ta pidi cooperacion
di nos clientenan, pa tuma contacto cu nos
via nos e-mail nan;
noticia@awemainta.com
toko@awemainta.com.
Sales via **sales@awemainta.com**.

Of via nos telefoon; 583-1400.

Tambe nos ta pidi cooperacion pa por haci tur pago
via Online Banking.
Pago nan por wordo haci via nos cuenta bancario di
CMB # 22982600.

Danki pa e cooperacion di semper.

DIARAZON durante oranan di merdia
varios patruya di Santa Cruz a bay un adres
na Barcadera, unda un homber lo tabata
maltratando tur hende den e cas. Hopi grito
y desordo tabata sali di dicho adres.

Debi na tur esaki, Polisnan a trata na yega
mas liher cu tabata posibel.

E problema lo tabata cu e homber den e cas
a bira agresivo y a agrede su mama, mama
di su yiu y su mesun un yiu.

Esaki tabata suficiente motibo pa a detene,
debi cu e biaha aki si awa a pasa hariña y
su pareha a dicidi di entrega keho.

Polisnan a transporta e homber pa Warda di
Polis na Santa Cruz, unda e lo wordo presen-
ta dilanti un sub Fiscal, kende a dicidi basa
riba e hechonan si e ta keda deteni of no.

Hilton Aruba ta celebra Dia Mundial di Medio Ambiente

Sosteniendo Aruba Birdlife Conservation cu cleanup di area na Bubali Wetlands



Hilton Aruba Caribbean Resort & Casino den union cu Aruba Birdlife Conservation a bin hundo pa un cleanup di Bubali Wetlands cu lo wordo organisa dia 6 di juni, 2020 den honor di Dia Mundial di Medio Ambiente.

Cada año, Dia Mundial di Medio Ambiente ta wordo celebra riba 5 di juni, y esaki ta Nacionnan Uni su dia pa promove conscientisacion y accion riba proteccion di nos medio ambiente. Cada Dia Mundial di Medio Ambiente ta wordo organisa rond di e mesun tema cu ta trece atencion na un preocupacion particular den conexion cu medio ambiente, e año aki e tema a bira biodiversidad.

Bubali Wetlands ta un di e 16 area cu lo mester bira parti di Parke Nacional di Aruba. Na 2012, Aruba Birdlife Conservation a haci un peticion na Parlamento di Aruba pa proteha 16 area di naturalesa y hinca esakinan bao maneho directo di Parke Nacional di Aruba.

Entre esakinan ta Ramsar Wetland, Spaans Lagoen, y 4 areanan importante di parha y Biodiversidad [IBA].

Bao di e Birdlife International su protocol, Bubali Wetlands ta un di e 4 areanan di parha di mas importante pa Aruba y Caribe.

E area Wetland ta significante pa locual t'e Caribbean Coot [Fulica Caribaea] cual ta bao menasa di daño, y tambe ta un rango di habitat pa otro parha di awa y numeroso parha migratorio.

E Bird Sanctuary aki ta consisti di 59 hectares cu 200 specie di parha registra.

Pa celebra Dia Mundial di Medio Ambiente, Hilton Aruba Caribbean Resort & Casino ta invitando su team pa bin hunto y contribui n'e causa.

“Ami cu nos miembranan di e team ta honra di por ta partner cu Aruba Birdlife Conservation pa e cleanup aki”, Vasco v. Baselli, General Manager ta bisa.

“E Proyecto ta cay den liña cu Hilton’s Travel with Purpose, nos responsabilidad corporativo y strategia pa redefine y avansa biahe sostenibel y turismo global.”

ANUNCIO

SETAR ta informa cu debi na trabounan di mantencion lo tin interupcion di servicio di Cable TV diasabra 6 di juni 2020 di 8.00 am pa 4.00 pm den vecindario di:

- Salinja Serca (un parti)
- Boroncana (un parti)
- Roodi Santo (un parti)
- Kurimiauw (un parti)
- Sero Pela (un parti)

SETAR ta pidi disculpa pa cualquier inconveniencia.

Minister Xiomara Maduro:

Gobierno a traha pa brinda alivio pa surpasa e crisis di COVID-19



UPDATE SOSTEN FINANCERIO

ALIVIO FISCAL	FASE	SOSTEN FINANCIERO PA KWARTAAL	SUBSIDIO DI SALARIO	QREDITS
#507 compania a haci uso di e facilidad pa paga e impuestonan di tur luna di april, mei y juni 2020.	#8782 persona a recibí e yudansa di 950,- florin. #325 compania a haci uso di e descuento di pago di AOV/AWW den luna di april, mei y juni 2020.	#3084 compania chikito y mediano a recibí e sosten financiero di 4000,- florin pa kwartaal.	#1647 compania a recibí un maximo di 60% di gasto di salario pa paga 27180 trahador y tene nan na trabou.	#175 compania a haci uso di e fiansa special cu e compania Microcredito Qredits ta brinda cu aporte di 250.000 florin di Ministerio di Finansa, Economia y Cultura.

PA surpasa e crisis di COVID-19, Gobierno di Aruba a traha riba varios forma di sosten financiero pa por brinda alivio na tur esnan cu a perde trabou desde 13 di maart 2020 y tambe un yudansa financiero n'e empresarionan chikito y mediano cu a sufri perdida di entrada dor di e crisis di COVID-19.

Gobierno a introduci Plan di Alivio Fiscal, Fondo di Asistencia Social di Emergencia (F.A.S.E.), Sosten Financiero pa kwartaal, Subsidio di Salario pa negoshianan chikito y mediano, y un microcredito cu condiconnan atractivo via Qredits.

Durante un reunion publico den Parlamento, Minister Xiomara Maduro a brinda un update di e alivio cu Gobierno a brinda na pueblo di Aruba.

PLAN DI ALIVIO FISCAL

Minister Maduro ta informa cu 507 compania a haci uso di e facilidad pa paga e impuestonan di tur luna di april, mei y juni 2020 y 325 compania a haci uso di e descuento di pago di AOV/AWW den luna di april, mei y juni 2020.

FASE

FASE a brinda un ayudo financiero di Afl. 950 na un cantidad di 8.782 persona cu a perde trabou desde 13 di maart 2020.

SOSTEN FINANCIERO PA KWARTAAL

Gobierno a brinda na 3.084 negoshi chikito y mediano un sosten financiero di Afl. 4000 p'asina nan por cubri nan gastonan mensual durante 3 luna.

SUBSIDIO DI SALARIO

Un total di 1.647 compania a recibí un di maximo 60% di gasto di salario pa por a paga un total di 27.180 trahado y asina por mantene nan den servicio.

MICROCREDITO VIA QREDITS

Gobierno a duna un aporte di 250.000 florin n'e compania di microcredito Qredits p'asina e compania por brinda un fiansa cu condiconnan atractivo na negoshianan chikito y mediano. Qredits a recibí un total di 175 peticion di empresarionan cu a aplica p'e fiansa special aki.

GRADICIMENTO

Minister Maduro ta gradici e miembrongan di Parlamento p'e apoderacion p'asina por busca e fondonan necesario pa por brinda alivio na pueblo di Aruba. Tambe e dignatario ta gradici Reino Hulandes p'e fiansanan duna. E mandatario ta gradici tur e profesionalnan cu a traha inalcansablemente durante henter e tempora da di COVID19 riba e programanan di Plan di Alivio Fiscal, FASE, Sosten Financiero pa kwartaal, Subsidio di salario. E dignatario ta brinda un gradicimento tambe n'e ehecutivonan di Qredits p' e yudansa ofreci n'e companianan chikito y mediano.

Lider di MEP, Evelyn Wever-Croes:

IN MEMORIAM DI CELESTINO “MIRO” DABIAN



CU hopi tristesa mi a tuma nota di fayecimento di un gran Arubiano, un baluarte integro, honesto y leal, un fiel luchado p'e causa Arubano, esta awe den feliz memoria Celestino “Miro” Dabian.

Miro Dabian a nace dia 6 di april 1944 y ya desde hoben caba el a interesa pa drenta politica y traha na bienestar y felicidad di e pueblo Arubiano.

Ta p'esei na momento cu Gilberto Francois “Betico” Croes a funda su propio partido Movimiento Electoral di Pueblo (MEP) dia 9 di februari 1971, Miro Dabian tambe a forma parti di e partido aki como co-fundador.

Asina el a aparece como candidato nr. 14 riba e prome lista di MEP cu a bay eleccion dia 28 di mei 1971. Sin duda cu Betico Croes a mira den Miro Dabian un hoben dinamico, inteligente, humano y un homber cu hopi curashi, un persona ideal pa por ta candidato riba lista di su partido.

Pa algun aña Miro Dabian a traha na Departamento di Asunto General y Huridico na Aruba. Pero na aña 1973 Miro Dabian a haya un encargo importante na Antillenhuis na Den Haag, esta tempo cu Aruba tabata forma parti ainda di e constelacion Antiano y asina pues Miro y su familia a emigra pa Hulanda pa asumi e encargo aki.

Despues cu na 1982 a ser funda Arubahuis na Den Haag, cu tur honor Miro Dabian a asumi e encargo como e prome Director di Arubahuis.

Aki Miro a desplega un excelente trabao y locual a resalta tabata su curason grandi asistiendo y yudando tur studiante y otro Arubianonan residencia na Hulanda.



**Celestino Dabian
Candidato' No. 14**

Tambe Miro Dabian tabata un di e motornan hundo cu ing. Roland Lacle dfm cu na 1982 a organisa e prome Arubadag den Congres Gebouw na Den Haag, Hulanda.

Alabes Miro Dabian tabata e persona principal cu tabata haci tur e contactonan y lobbymento pa Betico Croes na Hulanda. Schouder cu schouder Miro Dabian a lucha hundo cu su gran lider pa logra e Status Aparte di Aruba.

Mescos cu su temporada na Antillenhuis y despues na Arubahuis tambe Miro tabata haci su trabaonan cu hopi placer guiando nos studiantenan Arubiano y tambe e Arubianonan cu a bay biba na Hulanda. Cu hopi aprecio y gradicimento nan tur y tambe nan mayornan na Aruba a mira den Miro Dabian un berdadero tata pa nan yiunan leu for di nan hogar.

Despues di a biba y traha pa hopi aña na Hulanda, Miro Dabian a regresa su isla natal y a bay traha como Director di e compania di seguro Boogaard. Aki tambe el a laga su marcanan positivo atras y tur e empleadonan di e compania aki te ainda tin palabranan di aprecio so pa tur e trabaonan cu Miro Dabian a desplega como Director.

E stimacion p'e partido cu el a yuda funda na 1971 nunca a desvanece durante henter Miro su trayectorio di bida.



Como tal Miro semper tabata un piesa clave na momento cu lider di partido tin cu traha e lista di candidatonan pa eleccion. Miro Dabian no solamente tabata consehero, pero su persona mes tabata busca y propone na lider di partido e potencial candidatonan y mayoria di biahia cu hopi exito electoral.


Sin duda cu e cualidadnan mas principal durante Miro Dabian su bida ta su integridad, honestidad, lealtad, balornan cu ta inherente na e gran Arubiano aki. Lamentablemente Miro Dabian no a biba pa mira su partido MEP cu el a yuda funda na 1971 celebra su 50 aniversario dia 9 di februari 2021.

“Miro, mi ta gradici bo pa tur loke bo a haci pa nos pais y pa partido MEP y ta spera cu bo lo tin un bunita lugar den Reino di Señor. Na bo señora Odette, yiunan Caresse, Danilo y Roque, bo rumannan y henter famia, danki pa permiti pa boso kerido Miro por a haci tur su trabaonan na bienestar di nos comunidad y den forma asina ehemplar”, Lider di MEP, Evelyn Wever-Croes a expresa.

Cu Miro sosega na paz.

Awe Dia Internacional di Medio Ambiente

Naturalesa t'e fundeshi pa nos desaroyo



DURANTE e programa Forum Aruba, Director di Directie Natuur en Milieu (DNM), ir. Gisbert Boekhoudt, a forma parti como panelista conhumentamente cu Minister di Desaroyo Teritorial, Infrastructura y Medio Ambiente, sra. drs. Marisol Lopez-Tromp y tambe e Directornan di DIPyDOW pa loke ta trata e temanan general di Medio Ambiente-ROPV-Infrastructura-Construccion.

E idea tabata pa trece informacion dilanti na un manera transparente con e ministerio ta evalua e periodo pre-pandemia, durante e pandemia y kico ta premira p'e periodo post-pandemia, quedando resiliente pa desaroyo sostenibel.

DNM a trece dilanti cu naturalesa t'e fundeshi pa desaroyo. Tambe net e aña aki e tema pa Dia Internacional di Medio Ambiente cu ta tuma lugar awe 5 di juni, *ta tempo pa naturalesa*.

E pauza cu COVID-19 a forsa nos di tuma, ta net locual cu naturalesa y humanidad tabatin mester prome cu nos sigui nos rumbo.

E aire cu ta haci'e posibel pa nos hala rosea, e awa cu nos ta bebe, e cuminda cu nos ta come tur dia ta bin di naturalesa. E aire limpi ta bin di nos matanan, no di hende. Ta nos como ser humano ta uza of abusa di e servicionan cu e ecosistema ta brinda.

DNM ta puntra pa refleha riba tur e servicionan adicional cu naturalesa ta duna, loke nos ta yama e serviconan secundario di e ecosistema.

No ta solamente e tresnan ya menciona. Por pensa riba e ciclo di nutriente, produccion di sector primario, formacion di suelo, habitat y polinizacion.

E servicionan aki ta haci'e posibel p'e ecosistema keda brinda su servicionan manera cuminda, awa y calidad di aire. Tambe e productonan di ecosistema ta inclui cosecha, materia prima manera palo, producto organico, e recursonan pa medicina y energia, pa menciona algun.

Pero e ecosistema tambe ta duna e servicionan regulatorio. Algun ehempel ta captura di carbono, regulacion di clima, regulacion di poblacion, decomposicion di desperdicio, purificacion di awa y aire, control di malesa y proteccion di costanen, regulacion y prevencion di inundacionnan. Ademas, e ecosistema ta brinda servicio cultural cu ta inspira creatividad cu t'e cuentanan den buki, pelicula, pintura y simbolo nacional di e paisnan, cultura historico y spiritual. Ecosistema ta brinda experiencia recreacional, manera deporte den aire liber, ecoturismo y espacio pa meditacion. Ademas, e ta brinda e servicionan pa ciencia y educacion. Hasta tratamiento di terapia ta posibel como tratamiento di beyesa y terapia asisti pa animalnan.

Si nos a sigui den e rumbo pre-pandemia, naturalesa no lo por a sigui brinda nos e servicionan aki menciona. Ta netamente como cu humanidad no a desaroya na un manera cu ta sostenibel pa naturalesa, nos a haya nos mes den e situacion unda naturalesa a sali for di balansa. Nos a haya nos cu un malesa cu nos no por combati y no ta mira cu por combati esaki tampoco. Humanidad tabata biba di un manera acelera caminda cu a rosa hopi, a destrosa, a mata fauna, tin bestia cu a bay den extincion y a saca otronan for di nan habitat y nan a drenta den area habita.

Den e buskeda di sobrevivencia pa haya un desaroyo sostenibel, caminda kier a haya un balance, e asina yama "sweet spot" (e punto optimal) unda e tres factornan naturalesa/medio ambiente, economia y sociedad ta topa otro.

Pero awor e realidad ta cu nos mester move pa un sostenibilidad mas fuerte caminda ta existi e igualdad mutuo entre e tres factornan. E grafico ta refleha locual nos ta splica di e tres factornan. Nan ta interdependiente y conecta en bes di uno cu ta busca e 'sweet spot' unda e ta haya su mes den un ambiente cu ta sostenibel. Pesaki tuma lugar tur sector mester traha hunto cu otro, esaki ta implica ta 100% coherente riba locual ta deseabel y cu implementacion conhunto.

E relato aki ta e base p'e siguientean p'asina por comprende e rumbo cu Aruba ta bayendo despues di e periodo di pandemia COVID-19 ora ta trata di e desaroyo sostenibel teniendo naturalesa como fundeshi.

Dia Internacional di Medio Ambiente, awe 5 di juni, ta uno diferente rond mundo caminda ta bin cu e suplica pa sali padilanti mihi y fuerte cu naturalesa como fundeshi. Manera na comienso naturalesa t'ey pa nos, awor nos mester t'ey p'e tambe.

Anticipando Dia Internacional di Medio Ambiente, DNM ta haci un yamada pa un y tur uni na mes na y sigui e informacion cu nos ta trece dilanti den e medionan di comunicacion.

Asina nos tur ta bira mas consciente di e gran importancia di nos naturalesa, cu t'e fundeshi di nos desaroyo.

Prome Minister a duna splicacion amplio den Parlamento tocante e maneho di Gobierno den e crisis Covid-19:

DIARANSON mainta Prome Minister Evelyn Wever-Croes y Minister di Cultura, Finansa y Asunto Economico, Xiomara Maduro tabata den Parlamento pa duna splicacion tocante e maneho di Gobierno den e crisis COVID-19.

Prome Minister a habri su discurso splicando e trayectoria di Covid-19 desde 13 di maart dia cu Aruba a conoce su prome caso di COVID-19 pa actual.

Gobierno di Aruba inmediatamente a tuma e decision di bin cu medidanan drastico p'asina evita e virus aki di sigui plama. Den e prome 3 simannan tabatin un crecimiento rapido di 0-71 caso positivo. Danki n'e decisionnan tuma a logra di frena e crecimiento aki y despues di e 3 simannan e curva a cuminsa baha ya cu tabatin menos caso y mas hende a cuminsa recupera. Finalmente dia 28 di mei, e ultimo persona cu tabata tin COVID-19 a test negativo treciendo asina e total di caso positivo na 0.

Gobierno ta consciente cu Aruba lo por conoce casonan nobo y ta prepara pa por atende cu e casonan aki si nan presenta.

Prome Minister Evelyn Wever-Croes: “Un elogio sigurta bay n'e team di calamidad pa nan profesionalismo pa cu maneho di e crisis aki. Aruba tabata prepara adelanta y a tuma e decision cu en caso e virus aki yega lo cuminsa cu e strategia di test agresivo; “search and destroy” manera e terminologia uza ta.

E strategia aki a exigi no solamente planificacion sino tambe fondo ya cu mester tabatin e testnan aki adelanta pa por cumpli cu e esaki debidamente. Compara cu e otro paisnan, awe Aruba ta un di e paisnan cu e testmento per capita di mas halto.

Aruba como un pais propio tabatin e bentaha di bin cu su mesun strategia y no manera e islanan BES cu ta un municipio di Hulanda cu mester a sigui e mesun strategia cu Hulanda. Nan no tabatin e strategia di test agresivamente cu t'esun cu a yuda Aruba hopi den combati e plamamento di e virus na un manera satisfactorio.



Danki tambe na e situacion financiero cu Gabinete Wever-Croes a sa di maneha na un manera responsable e ultimo dos añanan aki, cu awe tabatin fondo disponibel pa por a busca tur e testnan prome cu e crisis a alcansa nos isla.

E crisis di COVID-19 no tabata solamente un crisis di salud sino e tabata crisis den crisis. E tabata un crisis di salud cu a ser maneha debidamente, un crisis financiero na unda Aruba a perde su entradanan principal, un crisis economico ya cu nos pilar economico a cay y crisis den orden publico y social.

Tambe Gobierno a hañe den manifestacionnan na unda a sali duna cara pa splica e situacion cu Aruba ta den den tur transparencia.

Esaki ta prome biaha den historia cu Aruba a enfrenta un crisis di e magnitud aki, pero mescos cu tur otro crisis semper a sa di lanta cabes.

Nos Arubianonan ta hendenan sin miedo y a enfrenta e crisis aki cu determinacion y curashi cu inspiracion di esnan prome cu nos cu a sa di engrandece e pais aki sin miedo.

Gobierno di Aruba a ricibi hopi elogio no solamente localmente sino tambe internationalmente p'e manera con a maneha e crisis den crisis aki y esaki no por a wordo logra sin e cooperacion di e comunidad di Aruba cu a sa di sigui e reglanan cu disciplina manera stipula pa Gobierno.

Ta danki na tur e esfuerzo di no solamente Gobierno di Aruba sino tambe di e profesionalnan y di nos comunitad cu awe Aruba tin e virus aki domina”.

Alvin Oduber a cumpli 30 año den servicio di SEPB



DIA 2 di mei, 1990, Alvin Oduber a cuminsa traha n'e tempo ey scol tecnico Dr. Martin Luther King na San Nicolas como administrador financiero.

Despues na año 1997 el a bay over na scol EPB cu despues di algun año Alvin a sigui den leerlingad-ministratie y onderwijs ondersteunend personeel.

Te cu awe Alvin ta haci e trabou di prome auxilio (EMT) na colega y alumnonan na momento cu tin mester. Manera e mes ta bisa: "Mi ta haciendo mi trabou cu placer y lo sigui asina tambe".

Dia 4 di juni, algun colega a sorprende Alvin den e dozentenkamer na EPB cu un brindis chikito. Director di scol, meneer Mathilda a elogia e bon trabou desplega pa Alvin durante e 30 añanan n'e institucion. Semper Alvin a eherce su trabou cu hopi amor y dedicacion.

Staf, personal y alumnonan kier a yama un danki na meneer Alvin Oduber y desea su persona tur clase di exito den su trabou!!!

Awe mainta,

Booshi Wever lo ta na Ministerio Publico atrobe



FOR DI Candelario (Booshi) Wever, nos a recibi un invitacion pa un conferencia di prensa cu lo tuma lugar dilanti di Ministerio Publico.

E conferencia di prensa ta tuma lugar awe diabierna, dia 5 di juni, pa 9:30 mainta, tiki despues di cu Booshi Wever haci entrega di un otro carta na Ministerio Publico relaciona cu e aangifte cu el a haci contra di ex Minister Otmar Oduber.

Na mes momento Booshi Wever kier a haci uzo di e derecho di replica pa loke ta concerni e reaccion di sr. Otmar Oduber diazon ultimo den su conferencia di prensa na su direccion. Naturalmente tin e oportunidad pa prensa haci pregunta y lo e bay in riba e caso di Serlimar, cu dia pa dia ta bayendo den rumbo di shutdown completo di e compania, sacrificando asina tata y mananan di familia y un compania estatal.

Polis a los tiro ora cu tres individuo den un pick up cu kibra su cura bin aden



DIAHUEBS mainta den careda di 9'or, patrullan a dirigi nan mes cu urgencia na adres di un coleganan di fam Gumbs, unda cu algo lo a sali for di man y e lo a los tiro.

Segun nos a comprende un Toyota pick up lo a kibra su porta di cura bay aden, den e auto tabatin tres individuo.

Dos a wordo deteni, un altura di Centro di Bario Brazil y e otro na Mabon, pues e ultimo lo mester a core hopi di unda e incidente a pasa y yega Mabon.

E di tres si a logra huy, pero si ta bon Polis lo mester haya sa ken e ta door di e dosnan gara.

Kico ta motibo cu e auto a drenta e cura di agente policial M.Gumbs no ta mucha cla tampoco.



Departamento Tecnico di Polis mester a presenta n'e sitio pa haci parti di e investigacion, tambe a pone lint geel debi cu e area a bira un plaats delict.

Gregorio Wolff cu

Notanan critico di e relacion Aruba - Hulanda

Awe nos por nota cu hopi Arubiano ta mira Hulanda, e colonizador como e benefactor, cu lo a haci hopi pa Aruba. E notanan critico aki ta bon pa tene na cuenta, asina Gregorio Wolff a duna di conoce den e articulo aki.

Prome cu siglo 20, e interés di Hulanda pa Aruba tabata, siendo un colonizador sin escrupolo, casi nulo.

Corsou tabatin su waf natural y semper tabata un centro di comercio, prome cu 1863, e materia principal tabata hende, comercio di esclavo y tambe agricultura cu man di obra casi pornada, esta barata.

Na Aruba, despues di a saca bastante oro inicialmente, a bin resulta cu e oro no tabata rendabel mas. Maske Aruba a keda parti di e colonia Corsou, Aruba, p'e Hulandesnan a bira un isla inútil.

Con cu bay bin, "E Arubianonan di prome ora", un mescla sali di Europeanonan, specialmente Hulandesnan cu a keda Aruba, hunto cu e indjanan y tambe descendientenan di esclavonan, tur cu nan descendientenan a keda biba riba e pida baranca aki.

UN BIDA DURO, PERO NAN A SO-BREVIVI

Ta bon pa menciona cu e secura pisa di e añanan 10 pa 20 di siglo pasa, hopi Arubiano mester a bandona nan isla pa busca trabao pa cria nan famia na otro paisnan, manera Cuba, Colombia, Venezuela y tambe Corsou.

E colonizador Hulanda no a yuda cu nada durante e periodo difícil y duro aki, pa Arubianonan. E ta un hecho cu e Arubiano mes ta haci lo máximo pa yuda su mes.

Despues den e añanan 1924 pa 1928, e petroli Venezolano hunto cu e dolarnan di e Multinacional Esso a percura pa Aruba tin su refineria. Hopi di nos a wordo indoctrina cu ta gracias n'e Americanonan, nos tin un refineria Lago. Nan ta lubida cu e material prima p'e refineria, e petroli ta bin di Venezuela, nos país bisiña.

Sin e petroli aki, Aruba no por a conoce su desaroyo económico y social. Mester menciona tambe e aporte di e miles di trahadornan imigrante, den e añanan 30, 40 y 50, kendenan a bin for di e islanaan di Caribe y tambe di otro paisnan manera Venezuela y Colombia, hunto cu trahadornan Arubiano a traha duro pa crea e desaroyo económico aki.

Awe e descendientenan di e imigranten, tur ta Arubiano. E desaroyo e economico grandi aki bo por bisa a saca Aruba for di e miseria y te awe e desaroyo aki t'esun mas importante den historia di Aruba.

E colonizador Hulanda tabata ausente (niet thuis) den e creación di e desaroyo económico y social grandi na Aruba.

E refineria Lago, gracias n'e forsa laboral prome menciona, n'e petroli Venezolano y n'e inversionnan di Esso, a crece bira un di esnan mas grandi na mundo.

Durante II Guera Mundial Lago a demuestra su balor, ya cu e suministro di su productonan petrolero tabata grandi y cual a bira un menasa pa Alemania di Hitler.

Ta ser bisa cu Aruba den hemisferio America di nort te sur tabata e único país of un di e poconan cu a wordo ataca pa trupanan Aleman, submisionnan, den II Guera Mundial.

II GUERA MUNDIAL

II Guera Mundial a cuminsa 1 di september cu e invasión di Alemania na Polonia. Na Hulanda e II Guera Mundial a cuminsa 10 mei 1940 cu e invasión di Alemania na Hulanda.

Den waf di IJmuiden a mara varios barco Ingles pa busca politico, Hudunian y otronan cu kier huy for di Hulanda pa nan bay biba comodo cu nan famia na Inglaterra.

Politiconan Hulandes prominente a bandona Hulanda laga e población indefenso.

Principalmente e lidernan di CPN (Communistische Partij Nederland) a organisa e resistencia contra e ocupación di e trupanan di Hitler na Hulanda. Maske mester menciona tambe cu tabatin otro agrupacionnan cu a hiba resistencia fuerte.

Durante II Guera Mundial CPN a perde mas di 2.000 lider y militanten, fusila of mata den kambarnan di gas. Despues di guera, e politiconan, kendenan a regresa di Inglaterra a tuma mundo político over na Hulanda. Pa CPN, igual na loke a pasa durante guera, nan a keda e partido mas persigui.

Bisto ta con mundo político na Hulanda a mustra su cara oportunista. Nan a core pa responsabilidad, bay sconde na Inglaterra, laga otronan hiba e lucha di resistencia contra e trupanan di Hitler, pa después bolbe y tuma política over.

GUERA HULANDES CONTRA E LUCHA DI INDEPENDENCIA NA INDONESIA 1845-1949

Japon su ejercito a bringa y vence e ejercito Hulandes y después ta ocupa Indonesia durante II Guera Mundial. Na final di e capitulación di Japon, Sukarno, líder di e partido Nacionalista di Indonesia a proclama e independencia di Indonesia.

Esaki no a cay bon cerca mundo político na Hulanda, pasobra pa Hulandesnan Indonesia ta keda 'Ons Indie'.

Na Hulanda atrobe tabatin casi un consensus político, pa mantene Indonesia como Colonia Hulandes. Cu excepción di CPN, cual partido a para na favor di Independencia di Indonesia.

Política Hulandes no a reconoce e lucha di liberación di Sukarno y su luchadornan pa libera Indonesia for di colonialismo.

Tabatin varios enfrentamiento entre ejercito di Hulanda y e queriya di Sukarno. Hulanda ta yama e accionnan di nan ejercito, di mas cu 200 mil solda,

Sigui na otro pagina >

ACCIONNAN POLICIAL (POLITIONELE ACTIES)

Hulanda tabata wak Indonesia como parti di Hulanda y e ejercito Hulandes pa nan Polis, tabata pa trece orden, pero defacto e ejercito Hulandes a bin pa ocupa Indonesia y a haci'e tambe den e forma mas cruel posible, manera un verdadero forza di ocupacion.

E ejercito Hulandes tabata mas mior arma, mas fuerte y e ocupación Hulandes a causa mas cu miyon violación di derechos humanos y miyonnaan di morto según periodistanan, kendenan ta analizando e "Politionele Acties".

E guerra di Hulanda na Indonesia ta ser yama e guerra silencia, militarnan cu bolbe Hulanda a wordo prohibi pa papia (zwijgplicht) di nan experiencia na Indonesia. Despues di añanan e prohibición aki a termina.

Mi ta trece e parti aki pa tur hende analisa corectamente kico a pasa.

Bo por bisa cu Hulanda no a siña nada di e ocupacion feroz di e Nazinan Aleman. Mesora, después di II Guerra Mundial, ata Hulanda cu mas di 200 mil solda cu e mesun pensamento feroz, nazista y fasista pa ocupa Indonesia. NO POR!!

DI ERNA (EILANDENREGELING) DI 1951, PA STATUUT NA 1955 Y FINAL NOS STATUS APARTE NA 1986

E mesun desaroyo economico y social grandi for di e añanan 20 a sigui na Aruba, maske riba tereno politico tabatin algun cambio. Cu e desaster na Zeeland, Hulanda na 1953, tabatin hopi commovcion di Aruba cu Hulanda.

Aruba a duna ayudo grande- y necesariamente ya cu Aruba tabata pasando den un era di gloria cu mas di 8 mil trahador riba tereno di Lago cu sueldonan halto compara cu hopi parti di mundo e tempo ey.

Hopi Arubiano cu pensamente no-correcto y no-decente ta treciendo e ayudo aki bek y bisa cu awor Hulanda mestre yuda Aruba. Un pensamento feo, malos, corrupto y anti-Arubiano. Bo no ta duna algo pa haya algo bek.

HULANDA TA SIGUI AUSENTE DEN E DESAROYO ECONÓMICO NA ARUBA

Hasta pa gran parti den enseñanza na Aruba, na inicio a wordo lanta y yuda dor di clero Hulandes, Catoliconan cu Frerenan y Surnan, Protestantnan cu nan lidernan, uzando si e sistema Hulandes den enseñanza, pa cual nos ta agradecido.

Gobierno Hulandes a duna su apoyo, pero na escala chikito.

Den e añanan 60 y 70 di siglo pasa a bin cambionan y Gobierno Hulandes a cuminsa mete mas y mas cu Aruba. Nos a siña conoce e ontwikkelingshulp, cual pa mayoría parti tabata y ta ainda prestamonan cu nos mester paga bek, hopi biaha cu interés halto. Tambe tabatin donacionnan pa proyectonan cu Hulandesnan tabata dicidi cual si y cual no. Den e periodo aki a inicia e lucha na Aruba pa mas autonomía cual a culmina den Status Aparte na 1986.


E desaroyo turístico grandísimo na Aruba cu Aruba a conoce den Status Aparte, atrope por bisa cu e presencia di Hulanda no tabata cos di gaba. Pero si e metemento di Hulanda den otro asuntonan na Aruba a bira mas fuerte.

TURISMO A HACI DAÑONAN GRANDI, IGUALMENTE ENTRA- DA FUERTE DI CORUPCIÓN

E pensamento robes pa Aruba perde su autonomía y bira un gemeente di Hulanda ta sali for di mente di hendenan cu no sa kico Aruba a pasa aden e ultimo 200 añanan, ni tampoco kier sigui cu e lucha di 200 año di Arubianonan pa hiba nos país dilanti.

Pero ta bon pa analisa e fayonan den mente di e Arubianonan ey, cu awe den un pandemia ta pensa asina. Tambe otro puntonan pa nan postura. Mi ta trece 4 punto.

Prome: Turismo a haci hopi daño n'e ser Arubiano, na nos cultura, nos moral, nos medio-ambiente y hopi otro dañonan. Awe durante un pandemia hopi t'esnan cu ta pensa solamente con pa mantene nan estilo di biba, sin entrega nada. Pa nan e caminda fácil ta pa Hulanda tuma over, keriendo cu nan ta mantene nan status.



Di dos: Otro pensamento, pa hopi Arubiano, Hulanda ta un bon colonizador, den e sentido di e palabra "coloniza", esta nan ta pensa manera e colonizador a pone nan pensa. Nan a bira messos cu e puyito, ta bao di e hala di e mama (Hulanda) nan ta sinti nan mes sigur.

Di tres: Corupcion den sector priva y mas den gobernación, e negoshi di droga, tur durante Status Aparte, a haci nan entrada fuerte na Aruba. Maske esnan consciente sa, cu na Hulanda cu tur su casonan di corupción y nan economía di droga, e situación ta pio


Di cuater punto: Pa menciona t'e forsa mediatico di Hulandesnan ultimo tempo pa purba di desacredita e islanan den Caribe.

Sigur hopi Hulandes, kendenan a bin biba ultimo tempo den Caribe of tin un vakantie-huis aki banda, kendenan sin escrupulo ta mete den e discusión na favor di Hulanda.

Si yega asina leu y Aruba bira gemeente, Hulanda lo haci y deshaci. Nan lema ta "WIE BETAALT, BEPAALT". Ayo Arubianismo.

Ta bon pa wak awe, e situación na Bonaire, unda hopi ta yora malay y tambe con Hulanda den EU a yuda torpedeo e peticionnan di ayudo di Italia y Spaña, e dos paisnan di EU cualnan a wordo azota mas fuerte dor di Covid19.

Accidente entre auto cu bromer na Paradera, motociclista a keda benta riba caminda



DIAHUEBS den careda di 4'or, patruya di trafico y tambe di Santa Cruz a wordo manda cu urgencia poco pariba di rotonde di Paradera, pa un accidente entre bromer y un auto.

Na yegada Polis a topa cu e motociclista riba caminda drumi y tabatin sanger na cara, poco mas pariba su bromer cu ta un BMW tabata.

E auto envolvi ta un Infinity cu lo a bay bira na su man robes, mientras e bromer BMW maneha pa un empleado di Ling & Sons tabata biniendo.

Aki ta unda e accidente ta sosode, lagando e motociclista herida riba caminda benta.

Caminda a wordo cera den ambos banda, unda cu trafico mester a tuma otro ruta pa yega nan destino. Ambulance tambe tabata na caminda y na yegada mesora a bay atende cu e motociclista, unda a pone riba brancard y pone den Ambulance pa un rato despues sali direccion Hospital.



Participacion

The screenshot shows the AWEMainta website homepage. At the top, there is a banner for COVID-19 updates. Below it, there are several news articles. One article discusses Minister Xiomara Maduro's speech to the commerce sector. Another article features Minister of Finance Marion Smeek. There are also sections for local news and international news. The footer includes a newsletter sign-up form.

The screenshot shows the AWEMainta Facebook page. It displays basic stats like likes and followers, and a transparency section. The page also shows a post about COVID-19 and Aruba's response, which has received 13,591 likes.

TUMANDO masha na serio e caso di COVID-19 (Coronavirus) na Aruba y sigui cu recomendacionnan di Gobierno, gerencia di AWEMainta ta ofrece tur esnan cu kier sigui noticia, pa registra pa recibi tur dia, sin mester di sali for di nan cas AWEMainta, GRATIS. Y asina ta keda altanto di loke ta pasa na Aruba y rond mundo.

Ta pesey AWEMainta como e prome corant digital tin e circulacion mas grandi. Bisando esaki, nifica cu tur esnan cu ta desea di pone nan advertencia den AWEMainta, nan ta mas cu bon bini. Nos tin tarifanan masha economico, pa yudabo cu bo benta.

Banda di e corant digital, tur hende por sigui e noticianan di AWEMainta riba nan website y tambe via nan facebook.

Djes type www.awemainta.com

Tur hende cu ta desea pa manda nan noticia y/of nan advertencia, por haci esaki mandando esaki na noticia@awemainta.com.

Y asina lo yudabo keda den contacto cu tur persona cu abo ta desea.

Laga AWEMainta t'e vehiculo di bo contac-tonan.

Danki p'e confianza

Gerencia di AWEMainta



Vários detencion relacioná cu entre otro atraco riba cliente di banco

WILLEMSTAD - Relacioná cu e atraco brutal cu a tuma lugar diamars mainta dia 2 di jüni 2020 na un banco local, unda desconocírnan lo mester a dal un comerciante cu cabo di un arma di candela y bay cu un montante grandi di placa for di dje, Polis a haci detencion.

Continuando cu e investigacion den e caso aki, ayera diahuebs 4 di jüni 2020 den oranan di mainta, personal di Team di Atraco den cooperacion cu Team di Arresto a tene un entrada hudicial na un plantacion na Ronde Klip.

Alrededor di 11.30'or, e team a haci detencion di e **hòmbernan sospechoso L.M.** y **R.E.** di respectivamente **29 y 40 año di edad**, ámbos nace na Còrsou p'e caso di atraco arriba mencioná y un atraco na Cas Abou.

Tambe a detené e **hòmber sospechoso G.M.** di **42 año di edad** nace na Còrsou pa violacion di ley di arma di candela.

A confiscá un arma di candela y tambe diferente artículo cu ta di importancia p'e investigacion.

Siguiendo cu e investigacion alrededor di 13.32'or, riba Kaya Coco Balentin Polis a detené un sospechoso mas den e caso di atraco n'e banco local.

Ta trata aki di e **dama sospechoso I.O. di 32 año di edad** nace na Còrsou.

A presentá tur e 4 sospechosonan dilanti un Fiscal auxiliar kende a ordená na encarcelamento pendiente di mas investigacion.

Polis ta enfatizá cu e investigacion cu a cana asina rápido y cu a trece como resultado e detencionnan hopi importante aki, ta hustamente den cuadro di e maneho y atencion cu Polis tin pa cu actividadnan criminal di impacto halto y lo sigui combatí esakinan cu hopi determinacion.



"Bou di alanan di Dios mi ta sigur"
Abo ku ta biba bou di amparo di Altísimo, ta hospedá den sombra di Dios Omnipotente, bisa Señor:
"Mi refugio, mi fort, mi Dios, den kende mi ta pone mi konfiansa"
Salmo 91:1-2

Cu dolor na nos curason,
nos ta anuncia fayecimento di nos ser stima:



Beatrix Viviana Ras


Mihor conoci como "Bea"
*17-12-1963 - †31-05-2020

Na nomber di su:
Mama stima: Sra.vda. Irena Ras-Henricus
Rumannan: Damasco y esposa Justina Ras-Wernet
Maria y esposo Reymundo Croes-Ras y iyunan na Hulanda
Juan Ras na Cali Colombia
Sra vda. Mirna Roos-Ras y iyunan
Ingrid Ras y iyu na Fla.
Silvia y esposo Ireno Maduro-Ras y iyunan
Francis Ras y iyu
Ex cuña: Carmen Arismendy Vasquez
Tanta y omonan
Sobrino y sobrinan na Aruba, Hulanda, California y Florida
Primo y primanan
Iha stima: Rosienne Roos na Broward Fla.
Madrina: Justina Ras-Wernet
Padrino: Jose Gamarra
Tur famia y conocirnan, amiga y amigonan
Especialmente su amiganan stima: Sol Rijna, Silvia Orman, Jaqueline v. Dinter y Eveline LeBron na Tampa Fla. y mucho mas pa menciona.
Tur su amiga y amigonan di karaoke, DJ Hulk y grupo di Dande. Tambe di su bon bisiña Famia Tromp.
Demas famia: Ras Henricus, Wernet, Croes, Roos, Maduro, Henriquez, Geerman, Orman, Werleman, Thijssen, Koolman, Brete, Vrolijk, Velthuis, Dubbeld, Cleveringa, Walbrink, Kock, Farro, McPherson, Tromp, Jansen y demas famia na Aruba, Hulanda y Merca.
Ta invita pa acto di entiero cual lo tuma lugar na Aurora Funeral Home diasabra 6 di juni 2020 di 2'or pa 4'or di atardi. Despues lo sali pa Santana Centrala Sabana Basora.
Adres di condolencia: Pos Chiquito #51
Enbes di flor of krans lo tin un box disponibel pa un donashon pa Koningin Wilhelmina Kankerfonds.
Nos disculpa si den nos tristesa nos por a lubida algun famia of conocer.
Preferibl bini bisti na colornan alegre.



"No kedaasombra pa loke mi a kaba di bisa, pasobra lo yega e oraku tur esnanku ta den graf lo tendesu stem y lo Saliafo"
Huan 5:28,29

Cu dolor na nos curason nos kier anuncia fayecimento di nos ser keri:



Casilo Wernet

mihor conoci como: "Chin"
*30-12-1959 †06-05-2020

Na nomber di su:

Mama: †Abelina Wernet-Maduro
Tata: †Fransisco Wernet
Rumannan: Silvia y †Nady&familia
†Teclay y †Chon &familia
Alberto y Lugia&familia
Mario
Maria y Arsenio &familia
Antonio

Subrino&subrinanan: Jacqueline &familia
Jose &familia
Carlos &familia
Marc &familia
Tibisay&familia
Miguel &familia
Lugbelkis&familia
Zeraida&familia
Migna&familia

Tanta: Nena Koolman-Wernet
Ex-casa: Ana Maria Sosa Nuñez
Amigonanserca: DolfitoCroeze, ZhiXiong-Kayi Feng, amigonan di bou palo Kas Ariba, amigonan di Tai Lie Wah market, Valentino Ras

Tanta y omonan, primo y primanan, amigo y amigonan, tur bisiñanan y conocirnan, ex coleganan di Hernac N.V &hungadornan di Urataca Bar biljard team
Demas famia: Wernet, Maduro, Ras, Flanegin, Croes, Varis, Greaux, Werleman, Vrolijk, Koolman, Dirks, Kastaneer&Dañe

Ta invita pa asistina e acto di entierocual lo tumalugar-diasabra 06 juni 2020 for di 9'or pa 11'or di maintana Misa Immaculada Concepcion na Sta. Cruz

Nos ta lamenta cu despues di entiereros lo no por ricibibishita di condolencianacas y alavez kier pididisculpas den nos tristeza nos por a lubidaalgun persona of famia



Cu dolor na nos curason,
nos ta anuncia fayecimento di nos ser stima:



Saúl D. Hirschfeld

*06-09-1960 - †02-06-2020

Acto di entiero lo wordo anuncia despues

Jumbo Boeing 747 di KLM ta sigi bula den version di carga



Royal Aurora
Funeral Home & Crematory

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".
Salmo: 23

Cu hopi tristesa pero conforme cu boluntad di Dios nos
ta anuncia cu a bay laga nos den brasa di Señor



Leocardia Duarte

*17-01-1951 - †29-05-2020

Na nomber di su:

Yiunan:

Kelvin Antonio Reynoso

Thania Duarte

Rosario Peña y Guillermo Diaz

Nieto(a)nan:

Kelvin Antonio

Yessi Marleni

Jessica Antonia

Brian Duarte

Jhoa Conde

Boris Conde

Briannymar Conde

Nicole Diaz

Bisanieta:

Jhaxle Duarte

Rumannan, sobrino y sobrinanan, swa y cuñanan, primo y primanan, amigo y amiganan, conocirnan y bisiñanan

Ta invita pa acto di despedida cu lo tuma lugar diabierna 5 di juni 2020 na Aurora Funeral Home di 9'or pa 11'or di mainta. Acto di cremashon lo tuma lugar den seno familiar. Despues di cremashon no ta ricibi bishiti di condolencia na cas.

Nos desculpa si den nos tristesa nos por a lubida cualquier persona.

Royal Aurora
Funeral Home & Crematory

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".
Salmo: 23

Cu inmenso dolor na nos curason nos ta anuncia fallecimiento di nos ruman



Walter B. Barbara

Mihor conoci como "Zegge"

*05-06-1951 - †03-06-2020

Na nomber di su mama : †Virginia (bibi) Damon

Su Ruman nan : Meredith Trinidad-Barbara
 Edward Barbara
 Aurellys Barbara
 Franklin Barbara
 Shurna Barbara
 Ursell Damon

Su swa : Jose Trinidad
Su Cuña Stima : Maria Tromp
Su Sobrino nan : Shelton Barbara y Famia
Cubienne Barbara y Famia
Varjella Heerenveen y Famia
Stiffany Barbara y Famia
Shawn Barbara
Alvin Yarzargaray y Famia

Su Primo i prima nan na Korsow
De mas famia nan na Korsow y Aruba: Damon, Francisca, Alberto, DeWindt, Kleinmoedeg Jansen, Josephina, Tromp y Trinidad.

Su amigo y coleganan di casino y tur otro conoci nan

Ta invita pa asisti na acto di cremashon cu lo tuma lugar diasabra 6 juni 2020 na Royal Funeral Home for di 9'or pa 11'or di mainta.

SCHIPHOL – Contrario n'e decision original di KLM pa saca tur su avionnan Boeing 747 for di servicio y remplasá nan pa avionnan mas economico na combustibel, inesperadamente a surgi un posibilidad pa usa e model di combinacion di carga y pasahero cu ta disponibel ainda.

Ta trata di e avionnan Boeing 747-400 Combi cu Philips a contratá pa exportá su productonan pa China pa un periodo largo cuminsando inmediatamente.

Ya e tres avionnan Combi tabata for di servicio caba, pero despues di un revision grandi nan a cuminsa bula caba.

KLM a saca e Jumbonan for di servicio en relacion cu e crisis di corona ya cu nan a cancelá practicamente tur buelo intercontinental.

Lo grandioso di e caso ta cu manera e Director di Philips a yama pa organisa e transporte, den ún fin di siman a prepará e avionnan p'e promé buelo.

For di luna pasá e tres Boeing 747-400 Combi cu por transporta tanto pasahero como carga ta hibando aparatonan medico, tapaboca y paña pa personal di hospital.

Philips tabatin alternativa pa usa otro companianan tambe p'e transporte, pero patriotico manera nan ta cu nan compania nacional, a saca e avionnan for di garashi y pone nan bula.

Di otro banda e chèns cu e Boeing 747 lo retorná den version tur pasahero y ya nan a cuminsa manda nan decier-to Mojave na Merca pa pluma nan.

"Tur cos aki na mundo tin su ora y su tempo,
Ora pa nace y ora pa muri,
ora pa yora y ora pa harí,
Ora pa keda keto y ora pa papía,
ora pa stima y ora pa odio,
Ora pa guerra y ora pa paz"
Predicador 3:1,2,4,7,8

Cu honda pena pero conforme cu Dios su
boluntad nos ta anuncia cu a fayece, Mi Casa,
Nos Tata, Welo, Suegro y Ruman:



CELESTINO DABIAN

*6-04-1944 - †2-06-2020

Mihor conoci como "Miro".
Co-Fundador di Partido MEP

Na nomber di su:

Esposa:
Odette Dabian-Wever

Yiunan:
Caresse y Fred Imon-Dabian
Danilo Dabian
Roque Dabian y famia

Su Rumannan:

Riri Dabian y famia
Chichi Croeze-Dabian y famia
Norma Lampe-Dabian y famia
Hai Dabian y famia
Rhona Geerman-Dabian
Romi Dabian
Mariska Verschoor-Dabian y famia

Swá y cuñanan:
Mildred Dabian-Vingal y famia
Mirna Dabian- Panneflek
Oswald Wever y famia
Ofelia Paris-Wever y famia
Letitia Wever
Darius Wever y famia
Alice Scharloo y famia
Lourdes Lighhart y famia

Mescos ruman:
Jan y Brenda Boogaard
Maria y Eric de Cuba
Stanley Arends y famia

Mescos cu yiu:
Edson Sint Jago y famia
Junior Arends y famia
Jair Arends
Albert Edward Fowler

Su ayudante fiel:
Magalis Gomez-Gutierrez

Nietonan, Primo-, primanan, sobrino-,
sobrinanan, ihanan, demas famia,
ex-coleganan di trabao, Departamento di
Asunto nan general y juridico, Cas di
Antiyas, Cas di Aruba, Boogaart
Assurantién, amigonan politico, tur amistad
cu a stime demasiado pa menciona.

Demas famia:

Dabian, Wever, Imon, Rosel, Croeze,
Lampe, Vingal, Verschoor, Panneflek, Paris,
Scharloo, Lighhart, de Cuba, Arends,
Boogaard, Sint Jago, Fowler y
Gomez-Gutierrez.

Ta invita tur famia, amigo-, amiganan y
demas conocirnan pa asisti na acto di
despedida cual lo tuma luga

diamars 9 di juni 2020
pa 8:30 AM pa 11:30 AM

y sigui pa un respons na
Aurora Funeral Home.
Despues lo tuma luga cremacion
den seno familiar.

Ta pidi pa no manda flor of krans, lo tin un
box disponibel pa haci un donacion na
Wilhelmina Kanker Fonds.
Despues di acto di despedida no ta ricibi
bishita di condolencia na cas.

Nos ta pidi disculpa si den nos tristeza nos
por a lubida un of mas famia.

Royal Aurora

Funeral Home & Crematory

Gradicimento y Invitacion

Pa medio di esaki famia kier a gradici tur esnan cu na un
manera of otro a duna nos sosten, consuelo y forsa
durante e tempo dificil cu e fayecimento y entiero di nos
defunto stima:



Maria Figaroa - de Cuba

Na mes momento nos ta invita famia, bisiña-, amigo- y
conocirnan pa compaña nos na 3 Santo Sacrificio di Misa
na:

Misa Sta. Anna na Noord

Diabierna 5 Juni – 6:30 pm

Diasabra 6 Juni – 7:00 pm

Diaranson 10 Juni – 6:30 pm

Royal Aurora

Funeral Home & Crematory

Gradicimento & Invitacion



Sra. Narciza Brete-Vrolijk

Cariñosamentejama: Chicha of Chicha di Lé
*27-05-1923 - †30-05-2020

Na nomber di suyuannos kier a gradici y yama un
danki special na Dr. Kenneth Croes. Dankitambena tur e
messagenanricibi via Whatsapp y Facebook.
Na tur esnan cu tabatapresentenacasmomento di
supartida.
Na tur cu a hasioracion un danki di curazon.
un dankitambenaVenny Trinidad di The voice of Jesus.
Dios bendicionaboso tur!
Y alaveznos kier a invita tur amigo, bisiña y conocer pa
asistina e Santa Misa cual lo tumalugardiadomingo 7 di
juni 2020 di 5:30 pa 6:00 di atardina Misa Santa
FilomenaParaderasigipa un Rosario despues di mis
ana cas situ ana Modanza 12
Bosopresencia lo ta altamenteaprecia.
Danki di partihenter e famia

Pa Kousa Promé:

KLM ta riba ley!

WILLEMSTAD - KLM a anunciá cu den
luna di jüni nan ta bay cuminsá cu buelo di
Hulanda pa Còrsou. Pa acomodá esnan cu
ke sali di Hulanda pa recreá den Caribe.
E mesun Hulanda cu ta pèstá cu Covid-19
y cu ta luchando cu e pandemia.

Pa empresanan multinacional manera
KLM y organisacionnan trampolín
facilitadó local manera CHATA, CTB,
VBC y KvK e pensamento ta keda,
cu comercio y economia ta riba salú y
salubridad.

Cu nan bocanan ta pretendé contrario,
pero den práctica nan ta demostrá cu nan
ta pensa hundo y cu gran capital.

Pa KLM, Gobiérno y empresarionan
Hulandes, e ruta Mid-Atlántico, nan mina
di oro, ta pará central. E compania estatal
KLM ta un di e fuentenan importante cu ta
trece placa den caha Hulandes. Riba e ruta
Mid-Atlántico tin transporte di persona y
carga, turista Hulandes y comestibel pa
empresanan Hulandes aki den Caribe.

KLM cu TUI y CORENDON ta
negoshinan cu mester di e teritorio di
Còrsou pa nan operá y florecé.

Como cu KLM ta un empresa cu
participacion di estado Hulandes, e sí a
haña pèrmit pa sigui bula cu frontera será.
Como empresa estatal e ta mesora tambe
e promé cu ta haña pèrmit pa transportá
turista pa Còrsou ora frontera habri.

No ta nada straño cu Gobiérno di Còrsou
a sera frontera pa buelonan internacional
y laga KLM sigui bula. Riba e nivel ey no
ta Gobiérno di Còrsou ta decidí.

Ta gran capital Hulandes ta decidí y imponé,
trapando nos utonomia. E bunita trayecto
epidemiológico di dòkter Gerstenbluth pa
cuida nos salud ta seriamente na peliger
cu e presion comercial inhusto di gran
capital.

Pa nan, comèrcio y ganashi ta na promé
lugar y no salud di hende. Cu e política
comercial hambrá y egoísta di gran capital
turístico, ta trapa e derecho fundamental
di pueblo riba protección pa su salud. Ta
p'eseys Kousa Promé ta concluí cu KLM
ta riba ley.



AWEMainta

E unico corant GRATIS



Abona awo

Manda un e-mail na:

Noticia@awemainta.com

y skirbi e palabranan: “*Ami Kier Abona*”

Like nos riba facebook

Keda “up to date” y like nos riba facebook

www.facebook.com/awemainta



Subi riba nos website

www.awemainta.com

AWEMainta completamente

DIGITAL

extra

Grátis

BONERIANO®

WWW.
EXTRABONEIRU.COM

Djaweps 4 yuni 2020

.....ketu bai number unu!


KMARA FAYA

Roos Craane 10 año na FORMA



Rosemarin "Roos" Craane a kumpli 10 año trahando na FORMA. Na e okashon ei a poné den sentro di atenshon. Presidente di FORMA Luti Balentin, tambe direktor di e instituto, a duna sra. Craane e atenshon meresi.

KARA BONERIANO



Arlene Ranes (Lenny) dama pertinent. Gusta ta nechi semper i na ordu. Su SI ta SI , su NO ta NO. Lenny a laborá 27 año na Postkantoor Kòrsou. Tambe na Bestuurskantoor 6 año aki na Boneiru. Lenny tbt sekretaria di diputado aki na Boneiru. Lenny ta habitante di K.D.K awor aki , pa motibu di su salud.

Pronóstiko di tempu

Ta leve te parcialmente nublá i djaluna tin chèns pa un áwaseru. E temperatura máximo lo ta aproksimadamente 32°C, e temperatura mínimo mas o mémos 27°C. E bientu ost ta moderá te basta fuerte, 4-5 Bft.

Altura di ola: aproksimadamente 1.5 m (4-5 pia)

* Altura di ola válido pa laman grandi

Durante e temporada di orkan, KNMI ta vigilá minusiosamente e Oséano Atlántiko den koperashon ku e National Hurricane Center (NHC). E pronóstiko mas resién ta disponibel via <https://www.nhc.noaa.gov/gtwo.php?basin=atlc&fdays=5>

KMARA FAYA

KRALENDIJK – Den un kaso kaminda un siudadano di Boneiru a entregá un keho na Nationale Ombudsman, e defensor di pueblo hulandes, kontra Kuerpo Polisial Hulanda Karibense, Ombudsman a disidí ku e no por duna un opinion. Segun Ombudsman, e deklarashonnan di esnan embolbí ta diferensiá muchu di otro, miéntras ku no tin un relato profeshonal tampoko. Pa e motibu akí Ombudsman no por determiná kiko eksaktamente a sosodé durante di e entrada hudisial. Loke si e ta konstatá ofishalmente ta, ku Koninklijke Marechaussee a faya den su rapportahe

tokante e entrada hudisial. Esaki ta trese kuné ku Marechaussee a aktua kontra di e eksigensianan di profeshionalismo. Esaki Nationale ombudsman ta trese dilanti den un rapòrt nobo.

Prosèsferbal inkompleto

E keho di e petishonario tabata relashoná ku e forma di aktua di funshonarionan polisial di KPCN na Boneiru. Segun e siudadano durante di e entrada hudisial den e kas e funshonarionan a hasi uso di forsa. E funshonarionan polisial ta kontradesí esaki. E prosèsferbal di Koninklijke Marechaussee,

ku a duna e enkargo na e funshonarionan polisial pa hasi e entrada hudisial, lo mester trese mas klaridat tokante e akshonnan durante e entrada hudisial. Pero den e prosèsferbal akí no tin ningun informashon opchetivo, di manera ku ta

imposibel pa Ombudsman determiná loka a tuma lugá.

Rekomendashon

Ombudsman no por husga aktuashon di polis, si no traha un rapòrt profeshonal. P'esei e ta rekomendá

Koninklijke Marechaussee pa semper, despues ku un entrada hudisial a tuma lugá, traha un prosèsferbal kompleto ku ta kuadra ku e eksigensianan di profeshionalismo i na e eksigensianan legal.

Buraku grandi riba kaya

KRALENDIJK— Riba e kaminda pa Seru Largu tin un buraku basta grandi riba kaminda. Personanan ku ta diariamente ta hasi uzo di e karetera aki ta sumamente frustrá ku e situashon. No solamente e buraku aki ta kibra kos na kurpa di outo,

pero spesialmente e falta di mantenshon.

E falta di mantenshon di kaya ta un problema ku Boneiru tin pa basta aña kaba. Pues no ta kos di awor. Na 2019 a start ku drechamento di algun kaminda pero

esaki tabata konsentrá mas tantu den área di skolnan.

Mirando kon tin otro kayanan wardando años drecha, ta duda ku e buraku riba kaminda di seru largu lo haña atenshon dentro di koto.



GRADISIMENTU

Liduska Winklaar, yunan i demas famia di defuntu

Enoc 'Noki' Melaan



ke a manda palabranan sinsero di gradisimentu na turku a yuda for di komienso ku e buskeda di 'Noki', su amigunan - bisiña - konosinan di Nort Saliña i Rincon, su ekipo di Nrt Saliña Vets, organisashonnan ku a forma grupo den e buskeda/encontro eo KPCN - KMar - Douane - Kustwacht - Stinapa-Brandweer, Kadaster, boluntarionan, personal di Fundashon Mariadal - Ambulance i CMC.

Tur esnan di Boneiru, Aruba, Kòrsou i Hulanda, ku a hasi yamada telefóniko, manda whatsapp - mail i e atenshon i kompaño personal, na mi mayornan i rumannan, Pader Baak i demas Pastor.

**Danki di kurason pa tur orashonnan ku tabata un gran konsuelo pa nos.
Dios bendishoná boso.**



De Huisartsenpost Bonaire is ter vervanging in verband met zwangerschap op zoek naar een doktersassistent/verpleegkundige voor de periode van juli-december.

Je voornaamste taak zal bestaan uit het ondersteunen van de artsen. Wat ga je doen?

- Assisteert arts tijdens ingrepen door bijvoorbeeld door hulpmiddelen aan te reiken.
- Verrichten van zelfstandige medische handelingen (wondzorg, verbinden, injecteren, EHBO verlenen, controle diabetespatiënten, controle urine, afne men vitale functie, enz)
- Het registreren van je verrichtte handelingen Van onze medewerkers verwachten wij verder dat zij over een uitstekende sociale en communicatie vaardigheden beschikken en bovendien klantvriendelijk, stressbestendig en flexibel zijn. Werken met geautomatiseerde systemen is voor de ideale kandidaat geen probleem. De functie brengt met zich mee dat men soms op korte termijn oproepbaar moet zijn.

Wat hebben wij te bieden?

- Een goed salaris dat in overeenstemming is met de zwaarte van de functie
- Onregelmatige diensttoeslagen voor alle diensten: feestdagen, weekenddiensten en avonddiensten.
- Een prettige werksfeer binnen een enthousiast team.

Uw sollicitatie kunt u binnen 2 weken na het verschijnen van deze vacature mailen naar:

hapbonaire@gmail.com

of sturen naar:

Huisartsenpost Bonaire, t.a.v. O. F. Nicolaas, Kaya Soeur Bartola 7, Kralendijk te Bonaire.

Korte prepará pa habri

KRALENDIJK—Korte di hustisia ta den full preparashon pa habri i sigui ku kasonan penal. Esaki naturalmente mester soso-

dé den e kuadro di reglanan di distansia sosial.

Den kuadro di esaki ta tumando lugá algun adaptashon den salanan

di korte. E edifisio tabatin aksesó limitá pa público. A posponé mayoria kasos ku tabatin pendiente. E kasonan ku si a kontinuá no

tabatin público presente. Ta poniendo plexiglas pa separá trahadó i cliente como parti di reglanan nobo.

Pa loke ta trata e `wa-

tercooler` ku normalmente ta habri awor esaki ta kubri ku plexiglas. Kùp i sobra instrukshon pa loke ta higiena público por tuma esakinan paden serka empleacionan .

UNKOBON tin wèpsait nobo

KRALENDIJK -- Unkobon a renobá su wèpsait. E kompania Blueprint a diseña un website atraktivu den kua e konsumidó por hasi uso di dje diariamente pa asina haña informashon manehabel.

Ta duna kontesta riba preguntanan tokante entre otro derecho di konsumidó

riba e wèpsait. Pa esnan ku no por keda kla nan mes e wèpsait ta duna aseso na e lokèt digital pa konsumidó di Unkobon.

Tambe tin informashon tokante preis den e supermerkadonan, tokante aktividadnan di Unkobon, tep kon ekonomisá i muchu mas. Pa alkansá mas tantu

konsumidó posibel aki na Boneiru e wèpsait pa un gran parti ta den tres idioma. Papiamentu, hulandes i ingles.

Lo ampliá e wèpsait kada bes ku informashon ku ta di importansia pa e konsumidó. Por bishitá www. Unkobon.org i buska e informashon ku ta relevante.

Statia ku skarsedat di awa

KRALENDIJK—Ombudsman a habri un investigashon rondó di skarsedat di awa ku tin na St.Eustatius. E situashon sigur ta di prekupashon p'e echo ku nèt awor mester di awa mas ku nunka pa yuda kombati e vírus di corona. Manera ta konosí ku un di maneranan pa yuda kombati e virus ta di konstantemente laba man. Pues sin awa esaki ta bira

difísil.

Riba témino korto gobiernu no tin un kontesta ni solushon pa e situashon aktual, asina a bin dilan-rija preguntanan ku Tweede Kamer a hasi.

Entretantu nationale ombudsman a risibi varios yamada i keho di e situashon. Despues ku a risibí señalnan konkreto di siudadanon di e isla konserio e situashon ta, Natio-

nale Ombudsman den persona di Reinier Zutpen riba propio iniciativa a disidí di kuminsá hasi algun investigashon.

Den e investigashon ku Nationale Ombudsman a hasi algun pregunta hopi interesante.

Kon por ta posibel ku a yega asina leu ku habitantanen tin tiki kasi nada di aksesó na awa?

Kua ta e medidanan ku a tuma enkuanto labamentu di man. Kon e siudadano ta hasi si ta te fin di 2020 por garantisá mehorashon den distribushon di awa.

Ku entrega di e carta na komisario di gobiernu, Van Rij, sekretario di estado BZK Knops i minister di I&W sra van Nieuwhuizen ofisialmente e investigashon ta kuminsá.



OX & WOLF LEGAL PARTNERS

Bankarota

Korte di promé instansia di Boneiru, Sint Eustatius i Saba den su desihon di dia 1 di yuni 2020 a pronunciá e bankarota di e fundashon Bonaire Beach Festival Foundation, establese na Boneiru, i a apuntá mr. F.J.F. Gerard como hues di instrukshon i mr. M.D. van den Brink como curator.

Akreedornan ta wordu invitá pa entrega nan demanda serka e curator pa verifikasi.

mr. Michiel van den Brink

OX & WOLF legal partners

Plasa Reina Juliana 1

Kralendijk, Bonaire

T: +599 796 6943

E: brink@ox-wolf.com

W: www.ox-wolf.com

Pourier Construction N.V.

ta buska

1 metslá

- mester in minimal 3 aña di eksperensia
- metser por traha independiente.

Pa informashon i/òf aplikashon por yama

+599 777 5005



Ku onda pena nos ta partisipá fayesimentu di:

Ermelinda L. Cecilia
mama di nos kolega

Senaida Cecilia

Gobièrnu di Boneiru ta ekstendé su kondolensia na famia di e defuntu.

Gezaghebber Edison Rijna
Sekretario Interino Gabriel van Arneman



SIN WAK PATRAS

Skritura: Lukas 9:57-62

“...Ningun hende ku ta pone man na plug i ta wak patras no ta apto pa e reino di Dios.” v.62 (BS)
Awe, méskos ku ántes, hopi ke sigui Hesus pa diferente motibu, pero meskos ku ántes, Hesus ta splika Su kondishonnan na esnan ku ke siguiÉ.

Na esun ku a bisa: “Mi ta sigui bo na unda ku bo bai”; Hesus lo desanimé bisando ku E no ta ofresé ningun stabilitat di lugá di biba i ku Su mishon ta totalmente dependiente di Dios i apartá di tur komodidad.

Otro kier a siguiÉ, pero e tabatin algu hopi importante di hasi, nada ménos ku dera su tata. Den e tempu ei, e eksprešion por a nifiká kuida te ora ku e muri. Hopi bes esaki tabata nifiká un kompromiso familiar pa hopi aña. Hesus a informé ku Su mishon ta masha importante, asina importante ku esaki ta surpasá kualke kompromiso, apesar ku eseí ta nesesario i opvio, no ta algu ku bo por posponé.

Un otro kier a despedí di su famia promé, algu normal i lóxico. Hesus a pidi un dedikashon asina grandi ku despedidanan tampoko no tabata aseptabel. E kondishonnan pa sigui Hesus ta pa hende desidido, balente, ku no ta laga kité for di e kaminda. Un bes riba kaminda, e lo perseverá te na fin. E kondishonnan di e yamada di Señor no a kambia, nan no a baha

di nivel, te awe nan ta méskos. P'eseí ken ku kuminsá sirbi Señor den Su ministerio ta un sòldá total, apuntá pa semper, e no ta konsiderá su propio prinsipionan i nesesidatnan como mas importante, pero alkontrario, manera un mucha, e ta konfia den Dios, sin mira patras. Sigifredo Sabalza, Venezuela E disipel berdadero tin Dios semper na promé lugá!

Saká for di: Alimento Pa E Alma, un produkshon di Trans World Radio Bonaire.

Piskamentu



Playa Frans awe

Te ku aljun tempu pasá a sobra solamente un piskadó ku tabata keda drumi na Playa Frans. Te ku aljun tempu pasá e piskadó aki, Johannes (Bowen) Zimmerman, tabata pasa su anochinan solitariamente na Playa Frans.

Bowan sinembargo te ainda ta subi laman pa buska su bida. Atardi e ta sinta lesa korant i kontemplá bahada di solo. Bowan ta un dje desendientenan di e legendario Christiaan Zimmerman, kende su graf te ainda ta konservá como un monumento den un kurá di kas pegá ku e fòrti di Boka Samí.

Bowan Zimmerman a yega Playa Frans masoménos meimeei di dékada nobenta. Tempu ku el a yega e sitio aki pa piska ainda Virgilio Cicilia tabata na Playa Frans. Despues ku Virgilio a bai e so a keda Playa Frans, anke ku kasi tur dia tin piskadónan di Rincon ta bin piska ku nan botonan ku ta na e sitio.

Bowan: "Mi ta originalmente di Boka Samí. Komo ku bida di piskadó a bira difísil na Boka, debí na hopi hende ku ta piska aya, mi a bini Boneiru. Mi ta pasa mi dianan trankil i felis. Sink'or di mainta mi ta subi laman, kue as, pa despues bai piska na kosta di Washington. Mi ta bini bék banda di diesdos'or di mèrdia, dependé kon kos bai. Djei tin un hende ta bin buska mi aki na Playa Frans pa hiba piská bai bende na Rincon."

E echo ku t'e so a kedando aworáki na Playa Frans no ta un problema pa Bowen. Ku si e no ta mira spiritu, mira, tende òf sinti kos straño? Bowen Zimmerman ta hari. "Ai nò. Aki ta trankil", e ta kontestá. Ora ku luna ta yen tambe Bowen ta subi laman pa piska.

Famia piskadó



Playa Frans den añanan ochenta. E tabata tambe un sitio di rekreo.



Bunita bista di e saliña na Playa Frans.

Johannes Zimmerman ta un dje hopi desendientenan di Christiaan Zimmerman, un wardadó di fòrti na Boka Samí. Christiaan a bini for di Alemania. El a kasa ku un señora di Kòrsou, for di kua a surgi un kandidat enorme di hende ku famnan manera Zimmerman, Zimmerman, Zimerman, Zimmerman. E dos últimonan ta fayo den skribimentu, pero Zimmerman a surgi ora ku dos Zimmerman a kasa ku otro.

Christiaan Zimmerman tabata kasá ku Anna Catharina Rijnders. For di e matrimonio aki a bini hopi yu. Famia Zimmerman a keda biba na Boka i hopi bes a kasa ku nan mes famia. Christiaan mes a bira piskadó i ta bisá ku t'e inventá e nòmbernan na papiamentu pa piská derivá for di hulandes, manera gristèlchi (grasteeltje), quepi (geep), masbangu (marsbanker), haldu (harder), karpitán (karper), bërs (baars). Esaki siendo ku e piskánan aki tabatin nan nòmber original kaba, mayoria derivá for di e idioma arowak. Esnan ku a keda mantené ta entre

otro dawari, gatu, gutu i mahawa. Nan a skapa di Christiaan Zimmerman.

Desaroyo

Por mira awendia basta moveshon atrobe na Playa Frans. Konstrukshonnan ta tumando lugá. Mas i mas hende ta deskubriendo e trankilitat di Playa Frans. Tin aljun piskadó ku regularmente ta sali piska for di Playa Frans ku nan boto. Entre otro Roy Dortalina di Antriol, pero mayoria ta piskadónan di Rincon. Playa Frans ta nán sitio di piska.

E preis di laman

Playa Frans a resultá un fuente di inspirashon importante pa e eskritor Erich Zielinski. Na aña 2008 el a publiká e buki 'De prijs van de zee'. E novela aki su esenario i ambiente ta Playa Frans, un lugá ku Erich tabata bishitá hopi ku su yate fo'i Kòrsou.

Playa Frans, un sitio alehá, isolá i desolá, a hasi un impreshon enorme riba Erich Zielinski. Despues ku su buki a sali na 2008 el a bai ku Bòi

Antoin i kamarógrafo Ivan Wilson na Playa Frans pa graba un entrevista tokante su bida, relashoná ku publikashon di 'De prijs van de zee'.

Erich tabata move meimeei di e piskadónan di Rincon ku tabata move na Playa Frans. El a studia nan, dal beter huntu ku nan, mira kon nan tabata purba kompartí nan alegria i pena ku otro.

Den e buki Erich Zielinski ta usa su fantasia i kreatividat pa deskribí kon un di e piskadónan di Playa Frans ta skapa un muhé i su yu hòmber for di un spelònk, despues ku su outo na un manera ineksplikabel a kai for di baranka den laman.

"Mester parti loke laman duna. Loke tin den e outo den fondo di laman ta sòru pa un sorpresa. Ta bini mas komplikashon ora ku Djin Chirino i su ruman Roy bai sambuyá nan botin. E sedukshonnan na kua ta someté e dos rumannan aki ta menasá di trese problema grandi den e komunitat estrecho, den kua tur ta dependiente di otro", un resúmen di e buki ta indiká.



Bowan Zimmerman na Playa Frans.





Mi a lanta riba un Boneiru na unda storianan di spiritu tabata masha komun. Spesialmente mi mama tabata gusta spanta nos ku spiritu, djis pa pone nos bini kas tempran, promé ku spiritu subi kaya ora ku anochi sera. Esaki a lanta serka mi hopi interes pa e tópiko di spiritu. Esnan ku ta wak Herensia por ripará ku kasi semper mi ta puntra e hendenan ku mi ta entrevistá ku si nan a yega di mira spiritu. E storianan ei ta fasiná mi.

Mi a studia tambe delaster literatura ku mi por a haña tokante spiritu na Boneiru. Mi a skucha tambe grabashonnan ku pader Brenneker i Elis Juliana a yega di hasi na Boneiru ku hendenan ku sa mira spiritu. Por ehempel un muhé di Nikiboko yamá Tila. Aparentemente Tila tabatin e don, si por yam'é asina, pa mira spiritu.

Tila sa konta di un figura di hende ku lantèrnu ku tabata move anochi banda di su kunuku i henter e área pariba di Nikiboko. Un lantèrnu sendé, pa ta presis. E tabata bini for di súit of pariba. Lus di e lantèrnu tabata skérpi, manera un bala di kandela.

Anochi pa shet'or masoméños e lus aki tabata kuminsá move. Hopi bia Tila a mir'é, entre otro na momentu ku e tabata sali for di su kunuku atardi lat pa bai kunuku di Julieta, un señora ku e tabata konosé bon.

"Asina ku mi sali for di kunuku mi tabata kuminsá mir'é den kaminda. Mi tabata grit'é pa e paga su lus, pasobra e lus ta bléndu mi. E tabata skucha mi tambe, pasobra e lus tabata paga. E tabata tende. Ora ku mi grit'é e tabata paga e lus. E no ta hasi hende nada", Tila a konta.

Un bia, biniendo for di kunuku di Julieta den oranan di mardugá, Tila a mira e hòmber ku lantèrnu atrobe. Tila a demonstrá kurashi pa bai den su direkshon pa haña sa kiko e ta eksaktamente. Pero promé ku Tila por a yega serka dje, e figura ku lantèrnu a disparsé. Nan ta bisa ku ta for di Saliña e ta bini. Bèrdat hopi bia e ta bini di súit.



EDITORIAL

Mester skirbi pa laga keda tras!

Un punto riba kua na diferente okashon Extra a komentá den su kolumna redakshonal PIEU KONSENTE, ta e nesesidat pa nos hendenan skirbi. Skirbi pa laga tras. Skirbi tantu den forma di literatura como relato i bukinan tokante historia, cultura i otro asuntu.

Nos sa ku tin hopi hende ta skirbi i tin basata manuskrito wardá den kasnan riba e isla aki. Manuskritonan di historia, poesia i storia. Tin bes ta manuskrito ku e outornan a muri bai laga tras, sin nunka mira publikashon di nan obranan, loke ta lástima.

Extra ta un korant ku semper a para habrí pa publiká obranan literario of relato di hendenan riba e isla aki. Awor aki mes ta saliendo un seri di storia di Napi Boekhoudt como mucha.

Un obra maestral ku nos a yega di publiká den Extra ta esun di Leon Goeloe, ku a haña hopi ako-

hida. Nos a publiká muchu mas, manera na e momentu aki mes historia di religion, piskamentu etc.

Tur hende ku tin algu ku no ta notisia ku nan ke publiká, sinti liber pa tuma kontakto ku nos. Nos ta publiká.

Ta bon pa menshoná ku FuHiKuBo, famia di Extra, tin na e momentu aki mas ku 20 manuskrito ku por publiká mesora, manera entre otro historia di aviashon, historia di Rincon, San Juan i San Pedro, Maskarada, 'Memoires van Tatais' (biografia di LD Gerharts', historia di Iglesia Protestant, historia di Slagbaai, historia di Antriol, historia di sklabitut etc.

Aña pasá FuHiKuBo a lansa pa di kuater bia un kurso di skirbimentu pa korant. E interes na inisio tabata hopi grandi, pero despues el a kai un tiki.

E kurso a deskontinuá debí na diferente faktor, prinsipalmente interes ta kai despues di tempu.

Bringamentu den Plasa Sentral

KRALENDIJK -- Polis a haña notifikashon den oranan di anochi den fin di siman di un kaso di bringamentu den Plasa Sentral ('Centrumgebied'). E dos personanan ku tabatin pleitu ku otro tabatin un bòter i e otro un machete. Nan tabata rondoná pa un públiko grandi presente.

Despues di no a duna oido na òrdunan di polis pa stòp, un agente polisial a hañ'é ta lòs tiru di atver-

tensia pa al final kita esnan bringando for di otro.

A detené un hòmber di inisial E.d.l.C. di 28 aña di edat en konekshon ku violashon di e lei di arma BES. A detené un dama tambe di inisial D.D. di 22 aña di edat en konekshon ku perturbashon di órden públiko.

No por a detené e persona ku tabatin e machete na e momentu ei. Investigashon ta andando.

Basta prosèsverbal

KRALENDIJK -- Den e dianan tras di lomba, durante di kòntròl na diferente sitio a duna prosèsverbal pa entre otro kore sin seguro bálico, kore sin plachi di number bálico i tambe kore

sin reibeweis bálico.

Na Kaya Princes Marie a konfiská un outo komo ku e shofür ya pa di tres biahia a haña prosèsverbal pa korenmentu sin reibeweis.

Dos detension

KRALENDIJK -- Riba djamars 2 di yüni a detené un dama di inisial J.H.A. di 35 aña di edat en konekshon ku maltrato.

Alrededor di 6.15 or di atardi a detené un hòmber

di inisial Y.M.R.S. di 18 aña di edat na Kaya Barakuda en konekshon ku e no a duna oido na òrdun di polis i tambe pa trese tráfiko den peliger.

BEKENDMAKING

Uit kracht van een beschikking van de E.A. Heer Rechter in het Gerecht in Eerste Aanleg, zittingsplaats Bonaire van de 14de mei 2020 op een daartoe strekkend verzoekschrift van rekhiranten is verleend. Heeft **de heer T.B. Silberie**, deurwaarder uit kracht van voormalde beschikking opgemaakte proces-verbaal van de 26ste mei 2020 waarbij ten verzoeken van rekhiranten en ten laste van gerequireerde CONSERVATOIR BESLAG is gelegd op onroerende goederen kadastraal bekend als:

Het appartementsrecht, rechtgevend op het uitsluitend gebruik van de woonruimte, deel uitmakend van het appartementencomplex gebouwen gelegen te Bulevar Gobernador Debrot op Bonaire, kadastraal bekend als afdeling 4, sectie D, nummer 1798A9 (appartement) en het appartementsrecht, rechtgevend op het uitsluitend gebruik van de woonruimte, deel uitmakend van het appartementencomplex gebouwen gelegen te Bulevar Gobernador Debrot op Bonaire, kadastraal bekend als afdeling 4, sectie D, nummer 1798A10 (appartement) van gerequireerde de heer Claude Willy Müller, de heer Dominik Christoph Müller en de heer Andreas Peter Müller en wel voor de in bedoelde proces-verbaal genoemde bedragen, waarvan ik, **Marisol A.A. MANUEL-BERNABELA**, deurwaarder voor burgerlijke zaken bij het Gemeenschappelijk Hof van Justitie van Aruba, Curaçao, Sint Maarten, Bonaire, Sint Eustatius en Saba en bij het Gerecht in Eerste Aanleg van Bonaire, de betekening hiervan en aankondiging heb opgemaakt.

**De deurwaarder
Marisol A.A. MANUEL-BERNABELA**

For di Karel Doorman



Resientemente un miembro di redakshon di Extra tabata riba e barku Karel Doorman i el a saka algun foto for di e barku aki. Por apresia e área di haf i tambe pida di Playa Pariba.

Prikichi Residence

ta buska

**1 all around maintenance
help**

Pa mas informashon por yama **717-5720**

Nuevo Horizonte Contractors

B.V.

ta buska

1 administratieve medewerker

Pa mas informashon por yama

770-3239 / 777-4317

**SAFETY
FIRST**

279.99
209.99
or 14994 Fun Miles

NOS FOLDER NOBO A SALI!

ALC
Wireless Made Simple.

KOYMAN
THERE IS **ALWAYS** SOMETHING TO DO

7 DAYS OPEN
2X fun miles
REDEEM FUN MILES

KOOYMANBV.COM

Despues di 19 año el ta kòrtá su 'dread'

Boeli awor tin un 'new look'!

KRALENDIJK—Despues di 19 año Signaldo Raphaela, mi hó konosí como Boeli, a disidí di pela kompletu. Na momento ku el a sali for di Boneiru pa a bai biba na Hulanda, Boeli a kuminsá laga su kabei krese. Tabata tempu ku el a lanta su tim di sòftbòl `The Rockers`.

Boeli a konta Extra: "Tabata bo por bisa un regla ku tur hende ku drenta e tim mester a laga nan kabei krese i kria 'dread'. Esaki a bira e `trademark` di e team. Mi kabei tabata krese lihé na Hulanda i a man-

tenshon tabata bai bon."

"Mi tabata bin Boneiru ku vakashon i tabata ripará e diferensia den e manera ku hende ta trata bo i wak henter e asuntu di 'dread'. Na Oropa ta masha normal ku un hende tin su kabei di 'dread'. Niun hende no ta wak straño ni esaki no ta stroba tampoko na momento di buska i haña un trabou. Na Boneiru ma ripará ku eseí ta otro. Tin hende ta asepté i otro nò."

Negativo


Di akuerdo ku Boeli

Raphaela, e pensamentu serka hopi hende ta ku dread ta konektá na algu negativo. "Ta un lástima, pasobra no mester ta asina. Ta husga un hende djis pa su aparenzia. Na dado momento mi a disidí di bin biba bék Boneiru despues di 11 año. Mi a pone pa mi mes ku 31 di desèmber mi lo a pela mi 'dread'. Esei a sosodé tambe despues ku mi a kaba di pasa serka tur amigu i famia i deseá un bon año."

Niun hende no a obligá Boeli, tabata un desishon ku e mes a tuma. Kambio di klima, mantenshon ku a bira karu i tambe konstrukshon di su kas tabata motibunan ku Boeli a disidí di basha tur kos abou, ménos un pida kabei parti patras di su kabes.

Straño

Bo por a nota klaramente ku hopi hende tabata trata straño. Atrobe, ta konektá



aparenzia na algu negativo. "Mi no a laga esaki prekupá mi", Boeli ta sigui konta.

Su doño di trabou nunka a reklamá ni bisa nada di su kabei. "Awor mi a yega na e punto ku mi a pela tur kabei. E idea tabata pa dia di mi kumpleaños mi a hasi esaki. Pero eseí no por a bai dor. No tabata pa motibu ku loke hende tabata bisa of preshon di mi alrededor. Simplemente mi a disidí ku pa mi trabou e ta mas representabel."

"Mi no mester gaña. Mi doño di trabou tabata kontentu dia mi a presentá na trabou sin niun kabei. E no

a bisami nada nunka, pero na su kara mi a mira ku el a gusta mi `look` nobo", Boeli ta sigui konta.

"Si mi ta sinti falta di mi kabeinan? Klaro Boeli. Mi a warda nan komo rekuerdo i ta pensando un manera pa konservá nan. Mi ta sintimi bon i atrobe. Mi a hasi'e pa mi mes. Niun hende no a obligá mi ni influensia mi. Ta mi propio desishon."

**Yuda nos tene
nos Boneiru limpi**



Dushi tempu bieu



Broertje Janga ta drecha kamisa di Caicai Cecilia. Dos persona legendario, presidente di Rincon. Caicai tabata e promé guia turístico di Boneiru. (Kolekshon di foto Herbert Cesilia - FuHiKuBo)

Programanan di Bonaire.tv

Telbo kanal 70

Flamingo TV kanal 23

Djaweps 4 Yüni

12:00 Herensia:

Jane Camila 'Jenny'
Crestian-Finies

13:00 Programa Spesial:

Karawacha

14:00 Herensia:

Julia Abrahams-Wout

15:00 BAPA:

Kolekshon di Disko-Rafael
Rodriguez 2012

16:00 Herensia:

Anselma Pikerie-Isidora

17:00 Aki Statia:

Clyde van Putten 2018

18:00 Herensia:

Hermengildo Justino
Cecilia parti 1

19:00 Programa Spesial:

Kantikanan San Wan i
San Pedu

20:00 Herensia:

Marcel Gumbs

21:00 Pelikula Antiano:


Duel In De Diepte 2

23:00 Herensia:

Carine Henriquez

Hendenan di Boneiru

TINCHI



Martinus Antonia a nase dia 11 di yüli 1899 na Boneiru i te na su morto el a biba den e kas Antriol nr. 501. Despues ku a kambia numbernan di kas e adrès a bira otro. Su nòmber di kariño tabata Tinchi. Anke Tinchi su fam ta ofisialmente skirbí komo Antonia den su

buki di trabou, tin hende ta bisa ku su fam real tabata Anthony. E tabata kasá ku Mercelina Catharina Braafhart, karifosamente yamá Catrin. Braafhart ta un famia ku tin hopi relashon ku e área di Tanki Abou. Ei banda mayoria di Braafhart-nan tabata biba.

Tinchi su spesialidat di trabou tabata seramentu di trankera di yatu. Den e kalidat aki el a traha masha hopi pa Jose Marten, un hòmber di hopi influensia den e promé mitar di siglo pasá na Boneiru. Jose Marten tabata biba na Antriol (aktual Kaya Papa Cornes) i e tabatin diferente kunuku, entre otro Leewarden, situá na Tra'i Montaña, un masoménos mitar kilometer pabou di Tanki Maraka. Tambe e tabatin un kunuku na Gurubú (Tres Krus) i un kunuku kaminda e bario Kibrahacha ta situá aktualmente.

For di e matrimonio entre Tinchi i Catrin a nase un yu: Dominga Maria. Su nòmber di kariño ta Marita. Tinchi tabata un hòmber ketu i humilde. E tipo di Boneriano ku kasi bo no ta topa kuné mas riba e isla aki. E tabatin te na último un kunuku nortost di Seru Angola. Tur dia, te na su edat haltu, Tinchi tabata bai e kunuku aki riba su baiskel.





Tur mèrdia 12'or ta kuminsá un programashon nobo di 4 ora.
E programashon aki ta riptí pa 24:00.

MONCHI & TONCHI

Mihó Shon Tuyo keda historiadó i no hunga klarivedente.

Awèl sí. Algun dia pasá el a duna liña pa weg'i number, pero tur kos a pèrdè.



KOLOFÓN

Editor Extra-Boneiru i Boneriano
Bonaire Communication Services N.V.

Kaya Irlanda# 12, Tel. 717-8482

E-mail: extrabon@gmail.com

Wèpsait: www.extraboneiru.com

Direktor-hefe
di redakshon

Bòi Antoin

786-6818

e-mail:

b.antoin.extra@gmail.com

Ludovico Nicolaas

786-7978

Ibi Piar (deporte)

786-0200

Reportero-Fotógrafo

Rincon

Crusita Thielman

796-1236

Aviso

Davienuska janga

avisobon@gmail.com

Layout

Davienuska Janga

Yair Hormechea

Redakshon

Papi Antoin

(redakshon final)

Selular **700-0145**

E normal nobo den praktika

Sin turista ‘normal nobo’ no ta pinta alentador

KRALENDIJK- Gobièrnu gradualmente ta suavisan-do e medidanan di corona na Boneiru. Esaki kiermen ku pokopoko ku bida ta kue su rumbo bék na Boneiru. Pero sin bishitante i sin turista e `normal nobo` no ta pinta masha alen-tador pa komersiantenan lokal. Esaki di akuerdo ku un artíkulo publiká riba e wèpsait di notisia www.bonairekrant.com

Vuelonan ku turista no ta biniendo Boneiru por lo pronto i kada bes e fecha pa esaki kristalisá ta kam-bia. Banda di eseí e echo ku ainda no por tin aglom-erashon di hende, ni tam-poko organisá evenemen-tonan grandi, tambe tin su efektonan. Komersiante i instansianan por habri nan porta bou di medidanan es-trikto di higiena i reglanan di distansia sosial. Ta bini e pregunta: e grupo aki lo

sobreviví bou di e sirkun-stansianan aki?

Sobreviví sin turista

Pa e sektor di horeca I tambe buseo e periodo tras di lomba tabata un sigur hopi duru. Apesar ku a sua-visá algun medida, e pre-gunta klave ta keda kon e dos sektornan aki lo mester bai sobreviví sin turismo den e asina yama `normal nobo`.

Restorant `El Bigote` tabatin su portanan apenas 2 aña habrí na momento ku henter e situashon di corona a presentá I ku nan mester a sera porta. “E per-sonal a trata na entregá ku-minda gratis i tambe ofresé servisio di `take-out`, pero lástimamente tur e esfuer-sonan aki no a duna resul-tado deseá. `Awe nos ta habri nos portanan bék pa pùblico. Ta di mira kon lo ta ku e distansia sosial ku mester tene kuenta kun í

ku si nos negoshi lo sobre-viví”, asina Okke Wessels kende ta ko-proprietario di e restorant a duna di konosé.

Baukje Wassenaar hun-tu ku su kasá ta doño di un skol di buseo. Pa nan tambe e situashon ta pe-noso, no tin turista, pues no tin entrada. E situashon tin un impakto sigur riba negoshi di e pareha. Apesar di tur kos e pareha ta keda optimista.”Nos ta spera ku poko poko pero sigur kos lo drecha. Pero mi mester ta honesto, nos sa ku lo bai dura promé ku promé turistanan regresá Bonei-ru i kos kuminsá kana”, Bauke ta finalisá bisando.

Sita pa kultura

Aglomerashon di hende, apesar ku a suavisá e me-didanan, no ta posibel ainda. Instansianan manera teatro i museo ta deliberan-do kon pa apesar di e situ-

ashon tòg bini ku aktivitat pa pùblico. E entitat kul-tural, Mangasina di Rei, a bin ku e inisiativa di guia ku sita. Esaki ta enserá ku gruponan chiki por traha un sita i haña un tour den e museo, semper cumpliendo ku e distansia sosial. Ape-sar di e inisiativa aki, e or-ganisashon ta sinti efekto di e medidanan vigente.

E tan gustá `Nos Zjilea` ta riba un ‘hold’. Durante ak-tividat aki tin baliamentu, kantamentu i tambe ku-minda lokal . “Nos ta den kombersashon ku gobièrnu pa wak kon ta bai sigui ku e aktivitat tan gustá aki”, Izain Mercera kende ta tra-ha na e fundashon a duna di konosé.

Sosial no pa tur hende

Pa kasnan di kuido, ape-sar ku a suavisá e medi-danan, nan tambe ta pará dilanti algun reto. “Pa nos

e `normal nobo` ya tabata den práktika kaba”, segun kordinadó di Fundashon Kalor di Hogar Alyette Quirindongo.

E krísis di corona a pone ku kasnan di kuido mes-ter a tuma èkstra di pre-koushon pa e grandinan . Ta trata di un grupo ku ta kai den grupo ku ta vulnerabel. Solamente personal outo-risá por a drenta den nos edifisio I tabata pone èkstra atenshon na higiena.

Entretantu e klientenan por risibí bishita atrobe di famia. Esaki ta bai segun sita i por bai maksimal 2 hende. “Un dje retoran ku sigur nos ta enfrentá ta mantenshon di distan-sia sosial serka nos klien-tenan. Kon bo ta splika un persona ku demensia ku e mester mantené distansia sosial”, sra Quirindongo ta terminá bisando.

Ponementu di ‘fever’ den Playa

KRALENDIJK -- Alrededor di 3 or di mardugá a patruya di manera preventivo den ‘Centrumgebied’. Shofür di un outo a ku-minsá buta ‘fever’ na un manera demonstrativo den presensia di polis i e pùb-

lico presente i despues a kore bai.

A kuminsá ku un pèrsekushon ku a terminá den Nort Saliña. A detené shofür di e outo, un hòmber di inisial Y.J.C. di 28 aña, en konekshon ku el a

trese tráfico den peliger i pa resistensia durante di su detension.

A detené e otro okupante di e outo, un hòmber di inisial J.M.M.B. di 26 aña en

konekshon ku e no a cumpli ku e lei di identifikashon. A konfiská e outo.

Klenku por ta proyektil peligroso

KRALENDIJK -- Tur kos tin dos banda. Un lesadó di e korant aki riba e notisia tokante plannan di gobièrnu pa bai kuminsá klenku den konstrukshon di karetera den barionan. Extra a komentá riba esaki, hañando esaki un bon idea.

“Mi a lesa tokante e plan pa traha kaminda di klenku den bario. Kòrda sí ku si tin disturbio e klenkunan ta bira proyektilnan masha peligroso. Bo ta djis lös un i bo tin hopi proyektil na bo disposishon”, e siudadano a reakshoná.

Segun e siudadano, ta lokual a sosodé den disturbionan na Amsterdam, dia prensès Beatrix a kasa ku Claus.



Oumento di violensia den sentro di siudat

KRALENDIJK -- Den oran-an di mardugá di djalu-na promé di yüni, alrededor di 1.50 or, a lös kuater tiru for di un outo den centro di siudat. Despues di investi-gashon a detené un hòmber di inisial W.M.A.A. di 28 aña di edat na un kas situá na Kaya Kalipso, en konek-shon ku violashon di e Lei di Arma BES. A tene un entra-da hudisial tambe na e adrés aki, kaminda a kon-fiská munishon i un kan-

tidad chikitu di supstansia narkótiko.

Polis a tuma nota di oumento di violensia i e molèster ku ta forma den centro di siudat i p'esei lo ta visiblemente presente. No ta tolerá violensia i insulto kontra polis i lo aktua kontra esaki. Polis tin un tarea pa mantené òrdú i ta importante pa laga polis ehersé su trabou den situ-ashonnan difísil.



Laga nos risibí e Donnan di Spiritu Santu

Laga nos risibí e donnan ku e Spiritu ta regalá nos pa biba nos fe i nos kompromiso ku mundu:

E don di Fortalesa: Abo ta esun ku ta mantené nos firme den nos fe, abo ta esun ku kompañá i sosténé nos den difikultatnan ku ta presentá n nos den Bida. Nos ta invoká na Abo kada be ku nos sinti nos mes débil, angustiá, oprimí, pa fortalesé nos i sali padilanti den nos kompromiso i den nos amor i siguimentu di Hesukristu. Abo ta esun ku semper ta kòrda nos ku Dios ta stima nos riba tur otro kos.

E don di Sabiduria: Abo ta e don ku ta permití nos disfrutá di kosnan di Dios. Abo ta esun ku semper ta invitá nos pa buska promé e Reino di Dios. Abo ta permití nos mira kosnan no únikamente ku rashonalidat, sino tambe ku e kurason, tratando di mira nan tal kual Dios mes ta mira nan.

E don di Piedat: Abo ta e don ku ta permití nos rekonosé nos como yunan mashá stimá di Tata i por

disfrutá di e dicha ku esaki ta nifiká. Abo ta e don ku ta fasilá nos, nos diálogo amo-rosa i filial ku Dios atraves di orashon i di e enkuento komunitario.

E don di Temor di Dios: Abo ta esun ku ta permití nos aserká nos ku kariño i confianza na Dios Tata, pa papia kuné ku simplesa i presenté nos bida. Abo ta permití nos dia pa dia rekonosé e amor di Dios pa kada un di nos, ku Abo nos por rekonosé ku nos ta yunan predilekto mashá stimá pa Dios. Abo ta iluminá nos di manera espesial den momentonan den kua, den forma personal òf komunitario nos ta reuní pa resa i alabá Bo.

E don di Konseho: Abo ta esun ku inspirá nos pa sa kiko nos mester hasi, kiko skohe, kua kosnan evitá. Abo ta semper presente ora nos mester tuma deshonnán den nos bida, p'asina ku nan ta di acuerdo ku e boluntat di Dios Tata i ku e Evangelio di Jesus nos ruman. I tambe nos ta invoká na Abo ora nos mester

konsehá un di nos rumannan.

E don di Siensia: Abo ta esun ku ta permití nos deskubrí lo berdadero i lo falsu. Abo ta yuda nos na comprendé i stima henter universo krea pa Dios. Abo ta e don ku ta inspirá nos pa topa ku

presensia di Dios den tur kreashon. Abo ta esun ku ta inspirá hòmbernan i muhénan pa hiba padilanti deskubrimentunan, avansenán científiko i teknológiico ku ta faboresé bida di hende.

E don di Entendimentu:

Abo ta esun ku permití nos drenta den e misterionan di Dios pa por deskubrí kiko ta loke Dios ke?. Abo ta yuda nos na diserní e kamindanan ku nos Tata ta presentá na nos, iluminá pa Su mes Palabra i dor di orashon.

Símbolanan di Spiritu Santu

Ta representá Spiritu Santu di diferente forma:

Awa: Simbolismo di awa ta signifikativo di e akshon di Spiritu Santu den Boutismo, ya ku awa ta kombertí den e signo sakralmentu nobo.

Unshon: Ta simbolisá forsa. Unshon ta e olio ku ta sinónima di Spiritu Santu. Den e sakramento di Konfirmashon ta unta esun ku ta konfirmá pa preparé pa ta testigu di Kristu.

Kandela: Ta simbolisá e energia transformador di e Aktonan di e Spiritu.

Nubia i Lus: Símbolanan inseparabel den manifestashonnan di Spiritu Santu. Asina Eta baha riba la Bírgen Maria pa "kubrié ku su sombra". Riba e Seru di Tabor, den e Transfigurashon, e dia di Asenshon; ta aparesé un sombra i un nubia.

Seyo: E ta un símbolo serkano al de la unshon. E ta indiká e karakter ku no por ser kitá di e unshon di e Spiritu den e sakramentonan i ta papia di e konsagrashon dje kristian.

Man: Mediante imposishon di mannan e Apòstelnan i awor e Obispunan, ta transmití e "don di e Spiritu".

Paloma: Den Boutismo di Jesus, Spiritu Santu ta aparesé den forma di paloma i ta para riba djÉ.

Pentekòster

E djadumingu akí nos ta celebra e fiesta di Pentekòster. Kuné nos ta terminá e tempu di Pasku di Resurekshon i nos ta bai bekna e litúrgicamente yama Tempu Ordinario. Pero pa e loke a pasa "internamente" dor di eksperensia di Pashon i Pasku di Resurekshon, ya nada no por ta ordinario di dia pa dia. Kada dia ta un oportunidad di enkuuento ku Hesus Resusitá, ku ta biba den mundu, ku ta traha huntu ku nos i ku nos den hasi e e Reino di Dios real.

Riba e fiesta aki di Pentekòster nos ta rekordá ku e tarea akí ku nos tin nos dilanti pa transformá mundu, no ta algu ku ta dependé di mi forsana. Lo mi no por hasi nada si mi no laga mi ser transformá dor di Spiritu Santu ku mi a risibí di Dios i ku ta biba den mi. Si mi no laga pa ta E ku ta aktua atraves di ami. Si mi no laga p'ata E ta mi forsa i mi áni-

mo.

E no ta un trabou fásil, Kinas awe den pleno XXI asumió ku algu no ta dependé di mi sea un di e tareanan ku mas ta kosta nos. Asumí ku humillat ku e no ta bai na ser mi dedikashon, mi trabou òf mi esfuerzo loke ta kambia mi bida òf mundu. Ku únikamente si mi skucha i laga e Spiritu



ku Dios ta manda pa mi aktua lo mi ta realmente yudando na duna forma na e Reino di Dios. I prinsipalmente, e ora ei lo ta ora lo mi por ta testimonio pa otronan di loke ta nifiká ser kristian i lo mi por transmití na nan e berdadero alegría ku ta yena mi.

"Ora fiesta di Pentekòster a yega, tur e siguidónan di Hesus tabata huntu na e mesun lugá. Diripiente un zonido manera un bientu fuerte a bini for di shelu i yena henter e kas kaminda nan tabata. Algu manera kandela a aparesé: el a parti su mes na lenga ku a bai para riba kada un. Nan tur a keda yená ku Spiritu Santu i a kuminsá papia na otro lenga, segun Spiritu Santu tabata inspirá nan." (Echonan 2, 1-4)

Sakramentonan

Si nos lo ke definí kiko ta un SAKRAMENTO, nos lo a haña un gran kantidat di kontesta. Sin embargo, kisas esun di mas simpel ta: e grasia efikas (e akshon di Spiritu Santu) ku Dios ta konsedé na hende mediante un signo sensibel ku E ta realisá. Nos lo por bisa ku SAKRAMENTO, ta e "vehíkulo" efikas dor di kua Dios ta konsedé na nos e grasiánan nesesario p'asina ku nos bida ta yena, kapasitando esaki pa biba ku alegría, pas i amor "hasta alkansá e estatura di e Baron Perfekto ku ta Hesukristu".

Ta eksistí 7 sakramento, di kua nos por dividí di diferente forma ku e fin pa agrupá nan. Así en el principio di kristiandat nan a agrupá nan den: Sakramentonan di Inisiashon: Boutismo, Konfirmashon i Eukaristia; i sakramento pa Desaroyo (Perfekshon) kristian: Rekonsiliashon, Huntamentu di Enfermo, Matrimonio i Órden sacerdotal.

For di Konsilio Vatikano nan a traha otro tipo di agrupamentu pa komprondé nan for di otro perspektiva, di manera ku nos por papia di sakramentonan di morto: **Boutismo i Rekonsiliashon;** Sakramentonan di bibunan: **Eukaristia, Huntamentu di enfermo, Konfirmashon** i Sakramentonan di Estado: **Órden Sacerdotal i Matrimonio** "Ya ku Spiritu Santu ta e Huntamentu di Kristu, ta Kristu ta e kabes di e kurpa, ku ta drama e Spiritu entre e miembronan pa alimentá, kura i organísá nan den nan funshon mutuo, ta inspirá nan, manda nan duna testimonio, ta laga nan partisipá den su ofrenda voluntario na Tata i den su intersetshon pa henter mundu. Pa medio di e sakramentonan di Iglesia, Kristu ta anunsiá su Spiritu Santu i Santifikador, na e miembronan di su Kurpa". KAT 739

KRÓNIKA di K R NA

Tabata un tiki diffísil, kisas asta emoshonal, pa tuma despedida di 'normal bieu' i pa drenta 'normal nobo'. A kuminsá promové e asuntu di 'social distance', pues pa mantené distansia di hende. Nos hendenan a kuminsá distansiá for di otro. No por a brasa i sunchi otro mas, anke hopi hende tabata 'take chance'.

Un di e promé djasabranan despues ku a tuma medida m'a yega den studio di 'Voz di Bonaire' pa hasi e programa Beku m'a topa ku plèksiglas pa separá hendenan den studio. Na mes momentu e medida tambe pa limitá hende den studio. Anto riba mesa bòter di 'handsanitaizer' etc etc...

Na Extra mes tambe a tuma yen di medida. Porta di ofisina mester a keda será. Nos mester a kuminsá atendé cliente via e-mail i telefòn. Diripiente m'a mira bòter di hëntsantaiser den ofisina, pero mes lihé ku nan a aparesé nan a disparsé tambe. Na unda nan a bai mi no sa.

Un siman despues ku kuminsá tuma medida m'a bai kore rònt i tambe kana den sentro di Playa. Mayoria



pakus i tienda a dal nan porta sera. Sentro di Playa a bira manera un si-udat di spiritu. Tabata un bista ku ta


deprimí hende.

Koriendo rònt m'a yega na Divi Flamingo Beach Resort, na unda tabatin un grupo di empleado aglomerá. Mabel, ku mi konosé bon, a bisa mi ku nan a haña oportunidat pa kumpra artíkulonan di consumo ku tabata den 'storeroom' i frizer na preis di baka flaku.

Na algun supermerkado tabatin basta moveshon di hende. Tin hende a kuminsá akapará komestibel, loke ta komprehensibel, pasobra bo no sa kiko por a spera ku e maldito coronavírus

ei. Pòmpnan di gasolin sí tabata hopi trankil. Esaki ta pasobra hopi hende a disidí di keda den nan kas. Pues di mes no tabatin mester di masha gasolin.

Restorantnan tambe a dal porta sera, tantu den dia como anochi. Anochi tabata un real tristesa. Un sentimentu di duele a podrá di mi. Boneiru nunka mas lo bira bèk manera e tabata.



OPENBAAR LICHAAM
BONAIRE

Rijksdienst Caribisch Nederland



**Hasi petishon pa pakete di kuminda pa
kas di famia den nesesidat?**

yudami@bonairegov.com òf 0800-1351 (grátis)

Menshoná por fabor: nòmber i fam,
number di telefòn i motivashon di petishon.

Protehá bo mes i esnan rondó di bo

huntu kontra corona

ENTIDAD PÚBLICO
BONEIRU

Rijksdienst Caribisch Nederland

Prolongashon ordenansa di emergensia

Gezagħèber di Boneiru a prolongá e ordenansa di emergensia i e medidana stipulá den dje. E prolongashon ta drenta na vigor entrante **promé di yüni 2020** i ta konta te ku **10 di yüni 2020, 00:00 ora lokal**, a ménos ku promé ku e fecha i ora ei, disidí pa prolongá òf hala aden e ordenansa di emergensia akí.

Kompetensia di deporte pa mucha te ku 17 aña ta permití entrante promé di yüni.

Por lesa e ordenansa di emergensia kompletu pa e splikashon eksakto riba rijksdienstcn.com/covid-19

huntu kontra corona